



杜詩分類卷之五

五言律

天文類

初月

光細弦欲上影斜輪未安微升古塞外已隱暮雲端
河漢不改色關山空自寒庭前有白露暗滿菊花團
。月

天上秋期近人間月影清入河蟾不沒搗藥兔長生
只益丹心苦能添白髮明于戈知滿地休照國西營
月三首

水言夕雙
卷之五
二百五十二
斷續巫山雨、天河此夜新。若無青嶂月，愁殺白頭人。
魍魎移深樹，蝦蟆動半輪。故園當北斗，直想照西秦。

其二

併照巫山出新窺，楚水清羈棲愁裏。見二十四迴明，
必驗升沉體。如知進退情，不遠銀漢落。亦伴玉繩橫。

其三

萬里瞿塘峽，春來六上弦。時時開暗室，故故滿青天。
爽合風襟靜，當空淚臉懸。南飛有烏鵲，夜久落江邊。

月

四更山吐月，殘夜水明樓。塵匣元開鏡，風簾自上鈎。

月圓

兔應疑鶴髮，蟾亦戀貂裘。斟酌嫦娥寡，天寒柰九秋。
孤月當樓滿，寒江動夜扉。委波金不定，照席綺逾依。
未缺空山靜，高懸列宿稀。故園松桂發，萬里共清輝。

月夜

玄宗天寶十五載，肅宗卽位未踰年。改元至德時，安祿山叛亂。公以家避難鄜州。秋八月，挺身赴朝廷，爲賊所得。故於月夜而

還鄜州

今夜鄜州月，閨中只獨看。遙憐小兒女，未解憶長安。

香霧雲鬟濕清輝玉臂寒何時倚虛幌雙照淚痕乾
一百五日夜對月

荆楚歲時記去冬至一百五日卽有疾風
甚雨謂之寒食蓋在清明前二日也

無家對寒食有淚如金波斫却月中桂清光應更多
此離放紅藥想像嚙青蛾牛女漫愁思秋期猶渡河

八月十五夜月二首

永泰元年秋雲安作

滿目飛明鏡歸心折大刀轉蓬行地遠攀桂仰天高
水路疑霜雪林棲見羽毛此時瞻白兔直欲數秋毫

其二

稍下巫山峽猶銜白帝城氣沉全浦暗輪側半樓明
刁斗皆催曉蟾蜍且自傾張弓倚殘魄不獨漢家營
十六夜翫月

中秋後

舊挹金波爽皆傳玉露秋關山隨地濶河漢近人流
谷口樵歸唱孤城笛起愁巴童渾不寢半夜有行舟
十七夜對月

中秋後二夜

秋月仍圓夜江村獨老身捲簾還照客倚杖更隨人

光射潛蚪動明翻宿鳥頻
茅齋依橘柚清切露華新

翫月呈漢中王

漢中王名瑀皇帝之子得罪貶蓬州長史

夜深露氣清江月滿江城
浮客轉危坐歸舟應獨行
關山同一照鳥鵲自多驚
欲得淮王術風吹暈已生

江月

江月光於水高樓思殺人
天邊長作客老去一霑巾
玉露團清影銀河沒半輪
誰家挑錦字燭滅翠眉顰
舟月對驛近寺

更深不假燭月朗自明船
金刹青楓外朱樓白水邊
城鳥啼耿耿野鷺宿娟娟
皓首江湖客鈎簾獨未眠
江邊星月二首

驟雨清秋夜金波耿玉繩
天河元自白江浦向來澄
映物連珠斷綠空一鏡
升餘光憶更漏况乃露華凝

其二

江月辭風纜江星別霧船
鷄鳴還曙色鷺浴自晴川
歷歷竟誰種悠悠何處圓
客愁殊未已他夕始相鮮

天河

常時任顯晦秋至最分明
縱被浮雲掩終能永夜清

含星動雙闕伴月落邊城牛女年年渡何曾風浪生

雨

冥冥甲子雨已度立春時輕箑煩相向織絺恐自疑
煙添纔有色風引更如絲直覺巫山暮兼隨宋玉悲

春夜喜雨

好雨知時節當春乃發生隨風潛入夜潤物細無聲
野徑雲俱黑江船火獨明曉看紅濕處花重錦官城

梅雨

江南夏至前雨謂之黃梅雨

南京犀浦道四月熟黃梅湛湛長江去冥冥細雨來

茅茨疎易濕雲霧密難開竟日蛟龍喜盤渦與岸回

喜雨

南國旱無雨今朝江出雲入空纔漠漠酒迥已紛紛
巢燕高飛盡林花潤色分晚來聲不絕應得夜深聞

雨

萬木雲深隱連山雨未開風扉掩不定水鳥過仍迴
鮫館如鳴杼樵舟豈伐枚清涼破炎毒衰意欲登臺

夜雨

小雨夜復密迴風吹早秋野涼侵閉戶江滿帶維舟
通籍恨多病為郎忝薄游天寒出巫峽醉別仲宣樓

更題

只應踏初雪騎馬發荊州直怕巫山雨真傷白帝秋
群公蒼玉珮天子翠雲裘同舍晨趨侍胡爲淹此留

雨四首

微雨不滑道斷雲疎復行紫崖奔處黑白鳥去邊明
秋日新霑影寒江舊落聲柴扉臨野碓半濕搗香秔

其二

江雨舊無時天晴忽散絲暮秋霑物冷今日過雲遲
上馬廻休出看鷗坐不辭高軒當灑瀕潤色靜書牕

其三

物色歲將晏天隅人未歸朔風鳴淅淅寒雨下霏霏
多病久加飯衰容新授衣時危覺凋喪故舊短書稀

其四

楚雨石苔滋京華消息遲山寒青兕叫江晚白鷗饑
神女花鈿落鮫人織杼悲繁憂不自整終日灑如絲

村雨

雨聲傳兩夜寒事颯高秋挈帶看朱紱開箱覩黑裘
世情只益睡盜賊敢忘憂松菊新霑洗茅齋慰遠遊

朝雨

涼氣曉蕭蕭江雲亂眼飄風爲藏近渚雨燕集深條

黃綺終辭漢巢由不見堯草堂樽酒在幸得過清朝
對雨書懷走邀許王簿

兗州任城縣簿

東嶽雲峯起溶溶滿太虛震雷翻幕燕驟雨落河魚
座對賢人酒門聽長者車相邀愧泥濘騎馬到堦除
白水明府舅宅喜雨得過字

舅崔十九翁

吾舅政如此古人誰復過碧山晴又濕白水雨偏多
精禱既不昧歡娛將謂何湯年早頗甚今日醉弦歌
晨雨

小雨晨光內初來葉上聞霧交纔灑地風逆旋隨雲
暫起柴荆色輕霑鳥獸群麝香山一半亭午未全分

江閣對雨有懷行營裴二端公

端公謂裴虬即導州刺史同平臧玠之亂
者按通典唐侍御史凡四員內供二員號
為臺端他人稱之曰端公虬嘗為御史故
云行營正為平臧玠而言

南紀風濤壯陰晴屢不分野流行地印江入度山雲
層閣憑雷殷長空水向文雨來銅柱北應洗伏波軍

對雨

莽莽天涯雨江邊獨立時不愁巴道路恐失漢旌旗
雪嶺防秋急繩橋戰勝遲西戎甥舅禮未敢背恩私

雨

始賀天休雨還嗟地出雷驟看浮峽過密作渡江來
牛馬行無色蛟龍鬪不開干戈盛陰氣未必自陽臺

晴二首

久雨巫山暗新晴錦繡文碧知湖外草紅見海東雲
竟日鷺相和摩霄鶴數群野花乾更落風處急紛紛

其二

啼鳥爭引子鳴鶴不歸林下食遭泥去高飛恨久陰

雨聲衝塞盡日氣射江深迴首周南客驅馳魏闕心

晚晴

晚照斜初徹浮雲薄未歸江虹門遠飲峽雨落餘飛
鳧鶴終高去熊羆覺自肥秋分客尚在竹露夕微微

晚晴

村晚驚風度亭幽過露雨夕陽薰細草江色映疎簾
書亂誰能帙盃乾自可添時聞有餘論未恠老夫潛

雨晴

天際秋雲薄從西萬里風今朝好晴景久雨不妨農
塞柳行疎翠山梨結小紅胡笳樓上發一鴈入高空

雨晴

雨晴山不改，晴罷峽如新。天路休殊俗，秋江思殺人。
有猿揮淚盡，無犬附書頻。故國愁眉外，長歌欲損神。

晚晴吳郎見過北舍

吳郎即吳郎司法也

圃畦新雨潤，愧子廢鋤來。竹杖交頭拄，柴扉隔徑開。
欲棲群鳥亂，未去小童催。明日重陽酒，相迎自醖醅。

舟中夜雪有懷盧十四侍御弟

朔風吹桂水，大雪夜紛紛。暗度南樵月，寒深北渚雲。
燭斜初近見，舟重竟無聞。不識山陰道，聽雞更憶君。

對雪

北雪犯長沙，胡雲冷萬家。隨風且間葉，帶雨不成花。
金錯囊垂罄，銀壺酒易賒。無人竭浮蟻，有待至昏鴉。

對雪

戰哭多新鬼，愁吟獨老翁。亂雲低薄暮，急雪舞回風。
瓢棄樽無綠，爐存火似紅。數州消息斷，愁坐正書空。

又雪

南雪不到地，青崖霑未消。微微向日薄，脉脉去人遥。
冬熱鴛鴦病，峽深豺虎驕。愁邊有江水，焉得北之朝。

雷

大曆元年是冬無雪愆陽常燠故十月而
雷龍蛇不蟄

巫峽中宵動滄江十月雷龍蛇不成蟄天地劃爭廻
却碾空山過深蟠絕壁來何須妬雲雨霹靂楚王臺
雲

龍以瞿唐會江依白帝深終年常起峽每夜必通林
收穫辭霜渚分明在夕岑高齋非一處秀氣豁煩襟

地理類

白鹽山

山在夔州府崖壁高峻色若白鹽

卓立群峰外蟠根積水邊他皆任厚地爾獨近高天
白榜千家邑清秋萬估船詞人取佳句刻畫竟誰傳
天寶初南曹小司寇舅於我太夫人堂下累
土爲山一簣盈尺以代彼朽木承諸焚香瓷
甌甌甚安矣旁植慈竹蓋茲數峰嶽岑嬋娟
宛有塵外數致乃不知興之所至而作此詩
一簣功盈尺三峰意出群望中疑在野幽處欲生雲
慈竹春陰覆香爐曉勢分惟南將獻壽佳氣日氛氲

長江二首

衆水會涪萬瞿唐爭一門朝宗人共挹盜賊爾誰尊

孤石隱如馬高羅垂飲猿歸心異波浪何事即飛翻
其二

浩浩終不息乃知東極臨眾流歸海意萬國奉君心
色借瀟湘濶聲驅灩澦深未辭添霧雨接上遇衣襟

瞿唐兩崖

瞿唐三峽之門兩崖對峙中貫一江望之
如門

三峽傳何處雙崖壯此門入天猶石色穿水忽雲根
猿獲鬚髯古蛟龍窟宅尊羲和冬馭近愁畏日車翻

瞿唐懷古

瞿唐峽在夔州東一里與巫峽相通

西南萬壑注勅敵兩崖開地與山根裂江從月窟來
削成當白帝空曲隱陽臺疏鑿功雖美陶鈞力大哉

灩澦堆

寰宇記灩澦堆本一巨石在夔州之西蜀

江心中瞿唐峽口冬水淺出二十餘丈夏
水漲半沒

巨石水中央江寒出水長沉牛荅雲雨如馬戒舟航
天意存傾覆神功接混茫干戈連解纜行止憶番堂

渡江

春江不可渡二月已風濤舟楫歎斜疾魚龍偃卧高
渚花張素錦江草亂青袍戲問垂綸客悠悠見汝曹

巴西驛亭觀江漲呈竇使君

綿州號巴西郡今隸成都府

宿雨南江漲波濤亂遠峰孤亭凌噴薄萬井逼春容
霄漢愁高鳥泥沙困老龍天邊同客舍攜我豁心胷

又

轉驚波作惡卽恐岬隨流賴有盃中物還同海上鷗
關心小剡縣傍眼見揚州爲接情人飲朝來減片愁

又呈竇使君

向晚波微綠連空岸脚青日兼春有暮愁與醉無醒
漂泊猶盃酒踟躕此驛亭相看萬里別同是一浮萍

江漲

江發蠻夷漲山添雨雪流大聲吹地轉高浪蹴天浮
魚鼈爲人得蛟龍不自謀輕帆好去便吾道付滄洲

江漲

江漲柴門外兒童報急流下牀高數尺倚杖沒中洲
細動迎風燕輕搖逐浪鷗漁人縈小楫容易拔船頭

登白馬潭

水生春纜沒日出野船開宿鳥行猶去花叢笑不來

人人傷白首處處接金盃莫道新知要南征且未迴

峽隘

聞說江陵府雲沙靜渺然白魚如切玉朱橘不論錢
水有遠湖樹人今何處船青山各在眼却望峽中天

秦州雜詩二十首

乾元元年公論房瑄事貶華州司功屬關

輔饑棄官去客秦州遂有此作

滿目悲生事因人作遠游遲迴度隴怯浩蕩及關愁
水落魚龍夜山空鳥鼠秋西征問烽火心折此淹留

其二

秦州雜詩

秦州城北寺傳是隗囂宮古辭山門古丹青野殿空
月明垂葉露雲逐度溪風清滑無情極愁時獨向東

其三

州圖領同谷驛道出流沙降虜兼千帳居人有萬家
馬躑珠汗落胡舞白題斜年少臨洮子西來亦自誇

其四

鼓角緣邊郡川原欲夜時秋聽戢地發風散入雲悲
抱葉寒蟬靜歸山獨鳥遲萬方聲一槩吾道竟何之

其五

南使宜天馬由來萬匹強浮雲連陣役秋草徧山長

聞說真龍種。仍殘老驪驢。衣鳴思戰鬪。迥立向蒼蒼。
其六

城上胡笳奏。山邊漢節歸。防河赴滄海。奉詔發金微。
士苦形骸黑。林疎鳥獸稀。那堪往來戍。恨解鄴城圍。

其七

莽莽萬重山。孤城山谷間。無風雲出塞。不夜月臨關。
屬國歸何晚。樓蘭斬未還。烟塵一長望。衰颯正摧顏。

其八

聞道尋源使。從天此路回。牽牛去幾許。死馬至今來。
一望幽燕隔。何時郡國開。東征健兒盡。羌笛暮吹哀。

其九

今日明人眼。臨池好驛亭。叢篁低地碧。高柳半天青。
稠疊多幽事。喧呼閤使星。老夫如有此。不異在郊坰。

其十

雲氣接崑崙。泱泱塞雨繁。羌童看渭水。使客向河源。
烟火軍中幕。牛羊嶺上村。所居秋草靜。正閉小蓬門。

其十一

蕭蕭古塞冷。漠漠秋雲低。黃鵠翅垂雨。蒼鷹饑啄泥。
薊門誰自北。漢將獨征西。不意書生耳。臨衰厭鼓鞞。

其十二

山頭南郭寺。水號北流泉。老樹空庭得清渠。一邑傳
秋花危石底。晚景卧鍾邊。俛仰悲身世。溪風為颯然。

其十三

傳道東柯谷。深藏數十家。對門藤蓋瓦。映竹水穿沙。
瘦地翻宜粟。陽坡可種瓜。船人近相報。但恐失桃花。

其十四

萬古仇池穴。潜通小有天。神魚人不見。福地語真傳。
近接西南境。長懷十九泉。何時一茅屋。送老白雲邊。

其十五

未暇泛滄海。悠悠兵馬間。塞門風落木。客舍雨連山。

阮籍行多興。龐公隱不還。東柯遂疎懶。休鑷鬢毛斑。

其十六

東柯好崖谷。不與眾峰群。落日邀雙鳥。晴天卷片雲。
野人吟險絕。水竹會平分。採藥吾將老。童兒未遣聞。

其十七

邊秋陰易久。不復辨晨光。簷雨亂淋幔。山雲低度墻。
鷓鴣窺淺井。蚯蚓上深堂。車馬何蕭索。門前百草長。

其十八

地僻秋將盡。山高客未歸。塞雲多斷續。邊日少光輝。
警急烽常報。傳聞檄屢飛。西戎外甥國。何得近天威。

其十九

鳳林戈未息。魚海路常難。候火雲峰峻。懸軍幕井乾。
風連西極動。月過北庭寒。故老思飛將。何時議築壇。

其二十

唐堯真自聖。野老復何知。曬藥能無婦。應門亦有兒。
藏書聞禹穴。讀記憶仇池。為報鴛行舊。鷓鴣在一枝。

龍門

在河南府西南三十里名關塞上俗名龍門南上有奉先寺金碧照耀最為勝槩

龍門橫野斷驛樹出城來氣色皇居近金銀佛寺開

往來時屢改川陸日悠哉相閱征途上生涯盡幾回

峽口二首

峽口大江間西南控百蠻城歆連粉堞岸斷更青山
開闢當天險防隅一水關亂離聞鼓角秋氣動衰顏

其二

時清關失險世亂戟如林去矣英雄事荒哉割據心
蘆花留客晚楓樹坐猿深疲爾煩親故諸侯數賜金

南楚

夔州府春秋時名魚復國屬楚在湖廣之西南故曰南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離羣
樓閣類

登兗州城樓

兗州魯所都漢以封共王餘

東艷趨庭日南樓縱日初浮雲連海岱平野入青徐
孤嶂秦碑在荒城魯殿餘從來多古意臨眺獨躊躇

東樓

萬里流沙道征西過此門但添新戰骨不返舊征魂
樓角凌風迥城陰帶水昏傳聲看驛使送節向河源

上白帝城

夔州周之魚復國秦置巴郡後漢公孫述
僭立爲帝自稱白帝以夔州城爲白帝城
城峻隨天壁樓高更女墻江流思夏后風至憶襄王
老去聞悲角人扶報夕陽公孫初恃險躍馬意何長

白帝城樓

江度寒山閣城高絕塞樓翠屏宜晚對白谷會深遊
急急能鳴鴈輕輕不下鷗夷陵春色起漸擬放扁舟

白帝樓

漠漠虛無裏連連睥睨侵樓光去日遠峽影入江深

臘破思端綺春歸待一金去年梅柳意還欲攪邊心

城上

草滿巴西綠空城白日長風吹花片片春動水茫茫
八駿隨天子羣臣從武皇遙聞出巡狩早晚遍遐荒

臺上得涼字

改席臺為迥留門月復光雲霄遺暑濕山谷進風涼
老去一杯足誰憐屢舞長何須把官燭似惱鬢毛蒼

登岳陽樓

樓在湖廣岳州府大曆二年公客岳陽時
年五十七後二歲卒

昔聞洞庭水今上岳陽樓吳楚東南圻乾坤日夜浮
親朋無一字老病有孤舟戎馬關山北憑軒涕泗流
陪裴使君登岳陽樓

裴使君必岳陽守故用陳蕃事

湖濶兼雲霧樓孤屬晚晴禮加徐孺子詩接謝宣城
雪岼叢梅發春泥百草生敢違漁父問從此更南征

春日梓州登樓二首

行路難如此登樓望欲迷身無却少壯跡有但羈棲
江水流城郭春風入鼓鼙雙雙新燕子依舊已銜泥

其二

天畔登樓眼隨春入故園戰場今始定楊柳更能存
厭蜀交游冷思吳勝事繁應須理舟楫長嘯下荆門
題新津北橋樓得郊字

望極春城上開筵近鳥巢白花簷外朶青柳檻前梢
池水觀爲政厨烟覺遠庖西川供客眼唯有此江郊
夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀
門鵲晨光起檣烏宿處飛寒江流甚細有意待人歸
西閣口號呈元二十三

山木抱雲稠寒空繞上頭雲崖纒變石風幔不依樓
社稷堪流涕安危在運籌看君話王室感動幾銷憂

西閣夜

恍惚寒山暮透迤白霧昏山虛風落石樓靜月侵門
擊柝可憐子無衣何處村時危關百慮盜賊爾猶存

宿江邊閣

暝色延山徑高齋次水門薄雲巖際宿孤月浪中翻
鶴鶴追飛盡豺狼得食喧不眠憂戰伐無力正乾坤

西閣雨望

樓雨霑雲幔山寒著水城逕添沙面出湍減石稜生
菊蕊凄疎放松林駐遠情滂沱朱檻濕萬慮倚簷楹

不離西閣二首

江柳非時發江花冷色頻地偏應有瘴臘近已含春
失學從愚子無家任老身不知西閣意肯別定畱人

其二

西閣從人別人今亦故亭江雲飄素練石壁斷空青
滄海先迎日銀河倒列星平生耽勝事吁駭始初經

西閣三度期大昌嚴明府同宿不到

大昌今夔州大寧縣

問子能來宿今疑索故要匣琴虛夜夜手板自朝朝
金吼霜鐘徹花催蠟炬銷早見江檻底雙影謾飄飄

草閣

草閣臨無地柴扉永不關魚龍迴夜水星月動秋山
夕露晴初濕高雲薄未還泛舟慚小婦飄泊損朱顏

眺望類

出郭

霜露晚淒淒高天逐望低遠烟鹽井上斜景雪峰西
故國猶兵馬他鄉亦鼓鼙江城今夜客還與舊鳥啼

灤西寒望

灤水名夔州有澗水橫通山谷間市人謂
之灤居人分其左右謂之灤東灤西

水色含群動朝光切太虛年侵頻悵望興遠一蕭疎
猿掛時相學鷗行炯自如瞿塘春欲至定卜瀼西居

曉望白帝城鹽山

徐步移斑杖看山仰白頭翠深開斷壁紅遠結飛樓
日出清江望暄和散旅愁春城見松雪始擬進歸舟
野望因過常少仙

少仙當是常徵君

野橋齊度馬秋望轉悠哉竹覆青城合江從灌口來
入村樵徑引嘗果栗園開落盡高天日幽人未遣回
野望

清秋望不極迢遞起曾陰遠水兼天淨孤城隱霧深
葉稀風更落山迥日初沉獨鶴歸何晚昏鴉已滿林
亭榭類

滕王亭子

在閩州玉臺山上滕王元嬰高祖之子曾
爲此州刺史

寂寞春山路君王不復行古墻猶竹色虛閣自松聲
鳥鵲荒村暮雲霞過客情尚思歌吹入千騎把霓旌

章梓州水亭

章彝爲梓州刺史時漢中王兼能棋道士

席謙在會同用荷字韻

城晚通雲霧，亭深到芰荷。吏人橋外少，秋水席邊多。
近屬淮王至高門，薊子過荆州。愛山簡吾醉，亦長歌。

登牛頭山亭子

路出雙林外，亭窺萬井中。江城孤照日，山郭遠含風。
兵革身將老，關河信不通。猶殘數行淚，忍對百花叢。

重題鄭氏東亭

鄭氏即駙馬鄭潛曜也。七言律中主家陰
洞細烟霧，一首作於是年春。此詩作於是

年秋

華亭入翠微，秋日亂清暉。崩石欹山樹，清漣曳水衣。
紫鱗衝岸躍，蒼隼護巢歸。向晚尋征路，殘雲傍馬飛。

泊松滋江亭

紗帽隨鷗鳥，扁舟繫此亭。江湖深更白，松竹遠還青。
一柱全應近，高唐莫再經。今宵南極外，共作老人星。

江亭

坦腹江亭暖，長吟野望時。水流心不競，雲在意俱遲。
寂寂春將晚，欣欣物自私。故林歸未得，排悶強裁詩。

園池類

奉陪鄭駙馬燕曲二首

勞力意

物怪不知只小
能違

駙馬即潜曜常曲地名在長安為勝遊之地

常曲花無賴家家惱殺人
淥尊須盡日白髮好禁春
石角鈎衣破藤梢刺眼新
何時占叢竹頭戴小烏巾

其二

野寺垂楊裏春畦亂水間
美花多映竹好鳥不歸山
城郭終何事風塵豈駐顏
誰能共公子薄暮欲俱還

陪鄭廣文遊何將軍山林十首

不識南塘路今知第五橋
名園依綠水野竹上青霄
谷口舊相得濠梁同見招
平生為幽興未惜馬蹄遙

其二

百頃風潭上千章夏木青
卑枝低結子接葉暗巢鶯
鮮鯽銀絲鱸香芹碧澗羹
翻疑梅樓底晚飯越中行

其三

萬里戎王子何年別月支
異花開絕域滋蔓匝清池
漢使徒空到神農竟不知
露翻兼雨打開坼漸離披

其四

旁舍連高竹疎籬帶晚花
碾澗深沒馬藤蔓曲藏蛇
詞賦工無益山林跡未賒
盡捨書籍賣來問爾東家

其五

剩水滄江破。殘山碣石開。綠垂風折筍。紅綻雨肥梅。
銀甲彈箏卸。金魚換酒來。興移無酒埽。隨意坐莓苔。

其六

風磴吹陰雪。雲門吼瀑泉。酒醒思卧簟。衣冷欲裝綿。
野老來看客。河魚不取錢。只疑淳朴處。自有一山川。

其七

棘樹寒雲色。茵陳春藕香。脆添生菜美。陰益食簞涼。
野鶴清晨出。山精白日藏。石林蟠水府。百里獨蒼蒼。

其八

憶過楊柳渚。走馬定昆池。醉把青荷葉。狂遺白接羅。

刺船思郢客。解水乞吳兒。坐對秦山晚。江湖興頗隨。

其九

床上書連屋。塔前樹拂雲。將軍不好武。稚子總能文。
醒酒微風入。聽詩靜夜分。絺衣掛蘿薜。涼月白紛紛。

其十

幽意忽不愜。歸期無奈何。出門流水住。回首白雲多。
自笑燈前舞。誰憐醉後歌。祇應與朋好。風雨亦來過。

重過何氏五首

問訊東橋竹。將軍有報書。倒衣還命駕。高枕乃吾廬。
花妥鶯捎蝶。溪喧獺趁魚。重來休沐地。真作野人居。

白雲心多如流
水未信

問訊竹便

驅

其二

山雨樽仍在。沙沉榻未移。犬迎曾宿客。鴉護落巢兒。
雲薄翠微寺。天清皇子陂。向來幽興極。步履過東籬。

其三

落日平臺上。春風啜茗時。石欄斜點筆。桐葉坐題詩。
翡翠鳴衣桁。蜻蜓立釣絲。自今幽興熟。來往亦無期。

其四

頗恠朝參懶。應耽野趣長。雨拋金鎖甲。苔卧綠沈槍。
手自移蒲柳。家纔是稻梁。看君用幽意。白日對羲皇。

其五

到此應嘗宿。相留可判年。蹉跎暮容色。悵望好林泉。
何日霑微祿。歸山買薄田。斯遊恐不遂。把酒意茫然。

園

仲夏多流水。清晨向小園。碧溪搖艇澗。朱果爛枝繁。
始為江山靜。終防市井喧。畦蔬繞茅屋。自足媚盤飧。

小園

由來巫峽水。本自楚人家。客病留因藥。春深買為花。
秋庭風落果。灑岸雨頽沙。問俗營寒事。將詩待物華。

課小豎鋤所舍北果林枝蔓荒穢淨訖移牀

三首

病枕依茅棟荒鋤淨果林背喧資僻遠在野興清深
山雉防求敵江猿應獨吟洩雲高不去隱几亦無心
其二

衆壑生寒早長林卷霧齊青虫懸就日朱果落封泥
薄俗防人面全身學馬蹄吟詩坐回首隨意葛巾低
其三

籬弱門何向沙虛岸只摧日斜魚更食客散鳥還來
寒水光難定秋山響易哀天涯稍曠黑倚杖更徘徊
柑園

春日清江岸千柑二頃園青雲蓋葉密白雪避花繁

結子隨邊使開筒近至尊後於桃李熟終得獻金門

豎子至

豎子卽阿段

櫨梨且綴碧梅杏半傳黃小子幽園至輕籠熟棗香
山風猶滿地野露及新嘗欲寄江湖客提携日月長
秋日寄題鄭監湖上亭三首

鄭監鄭審也湖亭在峽州今湖廣夷陵州
碧草違春意沅湘萬里秋池要山簡馬月靜庾公樓
磨滅餘篇翰平生一釣舟高唐寒浪滅髣髴識昭丘
其二

新作湖邊宅還聞賓客過自須開竹徑誰道避雲蘿
官序潘生拙才名賈誼多捨舟應卜地隣接意如何

其三

暫住蓬萊閣終爲江海人揮金應物理拖玉豈吾身
羨煮秋萼弱杯迎露菊新賦詩分氣象佳句莫頻頻
暮春陪李尚書李中丞過鄭監湖亭汎舟

海內文章伯湖邊意緒多玉樽携晚興桂楫帶酣歌
春日繁魚鳥江天足芰荷鄭莊賓客地衰白遠來過
晚秋陪嚴鄭公摩訶池泛舟得溪字

池在錦城西蕭摩訶所開因是得名

湍駛風醒酒船行霧起隄高城秋自落雜樹晚相迷
坐觸鴛鴦起巢傾翡翠低莫須驚白鷺爲伴宿清溪
陪王漢州留杜綿州泛房公西湖

西湖在漢州卽前所謂城西池也池乃房
瑄所鑿

舊相恩追後春池賞不稀闕庭分未到舟楫有光輝
豉化萼爺熟刀鳴鱸縷飛使君雙皂蓋灘淺正相依
與任城許王簿遊南池

秋水通溝洫城隅進小船晚涼看洗馬森木亂鳴蟬
菱熟經時雨蒲荒八月天晨朝降白露遙憶舊青氊

溪上

峽內淹留客，溪邊四五家。古苔生迳地，秋竹隱疎花。
塞俗人無井，山田飯有沙。西江使船至，時復問京華。

舟橋顛

放船

送客蒼溪縣，山雲雨不開。直愁騎馬滑，故作泛舟回。
青惜峰巒過，黃知橘柚來。江流大自在，坐穩興悠哉。
數陪李梓州，泛江有女樂。在諸舫戲，爲艷曲。

二首

上客迴空騎，佳人滿近船。江清歌扇底，野曠舞衣前。

玉袖凌風並，金壺隱浪偏。競將明媚色，偷眼艷陽天。

其二

白日移歌袖，青霄近笛床。翠眉繁度曲，雲鬢儼分行。
立馬千山暮，迴舟一水香。使君自有婦，莫學野鴛鴦。

首

丈人溝亦在長安，天寶元年韋堅所通溝。

渠入苑澗八尺深，一丈。

落日放船好，輕風生浪遲。竹深畱客處，荷淨納涼時。
公子調冰水，佳人雪藕絲。片雲頭上黑，應是雨催詩。

其二

雨來霑席上風急打船頭越女紅裙濕燕姬翠黛愁
纜侵堤柳繫幔卷浪花浮歸路翻蕭颯陂塘五月秋

泛江

方舟不用檝極目總無波長日容杯酒深江淨綺羅
亂離還奏樂飄泊且聽歌故國流清渭如今花正多

陪王使君晦日泛江就黃家亭子二首

王使君即王閬州唐以正月晦日為令節
山豁何時斷江平不肯流稍知花改岍始驗鳥隨舟
結束多紅粉歡娛恨白頭非君愛人容晦日更添愁

其二

有徑金沙軟無人碧草芳野畦連蛺蝶江檻俯鴛鴦
日晚烟花亂風生錦繡香不須吹急管衰老易悲傷

覆舟一首

黔陽郡秋貢丹砂等物以供燒煉之用而
使者乃沉其舟也

巫峽盤渦曉黔陽貢物秋丹砂同隕石翠羽共沉舟
羈使空斜影龍居悶積流篙工幸不溺俄頃逐輕鷗

其二

竹宮時望拜桂館或求仙姹女凌波日神光照夜年

徒聞斬蛟劍無復鬪犀船使者隨秋色迢迢獨上天
觀作橋成月夜舟中有述呈李司馬

把燭橋成夜迴舟客坐時天高雲去盡江迥月來遲
衰謝多扶病招邀屢有期異方乘此興樂罷不無悲
燕飲類

崔駙馬山亭宴集

蕭史幽棲地林間踏鳳毛汎流何處入亂石閉門高
客醉揮金椀詩成得繡袍清秋多宴會終日困香醪

陪李金吾花下飲

李嗣業為金吾衛將軍唐六典金吾將軍

掌宮中及京城晝夜巡警

勝地初相引徐行得自娛見輕吹烏毳隨意數花鬚
細草稱偏坐香醪懶再沾醉歸應犯夜可怕李金吾

宴胡侍御書堂

書堂在京南

李尚書之芳鄭秘監審同集歸字韻

江湖春欲暮牆宇日猶微闔闔書籍滿輕輕花絮飛
翰林名有素墨客興無違今夜文星動吾儕醉不歸

春夜峽州田侍御長史津亭留宴得筵字

北斗三更席西江萬里船杖藜登水榭揮翰宿春天
白髮須多酒明星惜此筵始知雲雨峽忽盡下牢邊

陪王侍御宴通泉東山野亭

通泉縣名今併入四川潼川州射洪縣

江水東流垂清樽日復斜異方同宴賞何處是京華
亭景臨山水村烟對浦沙狂歌遇形勝得醉卽爲家
宴王使君宅題二首

王使君必荊州閒居邑中者

漢王追韓信蒼生起謝安吾徒自漂泊世事各艱難
逆旅招邀近他鄉意緒寬不才甘朽質高卧豈泥蟠
其二

汎愛容霜鬢留歡卜夜闌日吟詩送老相勸酒開顏
戎馬今何地鄉園獨在山江湖墮清月醪酌任扶還
宴戎州張使君東樓

戎州今之四川叙州府東樓在府治東北

與兩樓相望

勝絕驚身老情忘發興奇座從歌妓密樂任主人爲
重碧拈春酒輕紅擘荔枝樓高欲愁思橫笛未休吹
季秋蘇五弟纓江樓夜宴崔十三評事常少

府姪三首

峽險江驚急樓高月迥明一時今夕會萬里故鄉情
星落黃姑渚秋辭白帝城老人因酒病堅坐看君傾

其二

明月生長好浮雲薄漸遮悠悠照遠塞悄悄憶京華
清動盃中物高隨海上查不眠瞻白兔白過落烏紗

其三

對月那無酒登樓况有江聽歌驚白髮笑舞拓秋窓
樽蟻添相續沙鷗並一雙盡憐君醉倒更覺片心降

劉九法曹鄭瑕丘石門宴集

唐志瑕丘山東兗州府治也石門山名在
兗州府平陰縣山上有石門東西相向可
通人行與瑕丘相隣境也鄭瑕丘鄭官于

瑕丘也

秋水清無底蕭然淨客心掾曹乘逸興鞍馬到荒林
能吏逢聯壁華筵直一金晚來橫吹好泓下卽龍吟

與鄆縣源大少府宴漢陂

應爲西陂好金錢罄一餐飯抄雲子白瓜嚼水精寒
無計迴船下空愁避酒難主人情爛熳持答翠琅玕
和江陵宋大少府暮春雨後同諸公及舍弟

宴書齋

渥洼汗血種天上麒麟兒才士得神秀書齋聞爾爲
棣花晴雨好綵服暮春宜朋酒日歡會老夫今始知

夜宴左氏莊

左氏莊舊次在過宋之間舊莊或亦在河南地

風林纖月落衣露淨琴張暗水流花徑春星帶草堂
檢書燒燭短看劍引杯長詩罷聞吳詠扁舟意不忘

王十五前閣會

楚岫收新雨春臺引細風情人來右上鮮繪出江中
鄰舍煩書札肩輿強老翁病身虛俊味何幸飫兒童

獨酌

步屨深林晚開樽獨酌遲仰蜂粘落絮行蟻上枯梨

薄劣慙真隱幽偏得自怡本無軒冕意不是傲當時

獨酌成詩

燈花何太喜酒綠正相親醉裏從爲客詩成覺有神
兵戈猶在眼儒術豈謀身苦被微官縛低頭愧野人

軍中醉飲寄沈八劉叟

酒渴愛江清餘酣漱晚汀軟沙欹坐穩冷石醉眠醒
野饈隨行帳華音發從伶數盃君不見醉已遣沈冥

文史類

送竇九歸成都

廣德元年在梓州而作

文章亦不盡竇子才縱橫非爾更苦節何人符大名
讀書雲閣觀問絹錦官城我有浣花竹題詩須一行

觀李固請司馬第山水圖三首

李固漢順帝時忠臣請司馬第卽固第嘗
爲司馬者

簡易高人意匡牀竹火爐寒天留遠客碧海掛新圖
雖對連山好貪看絕島孤羣仙不愁思冉冉下蓬壺

其二

方丈渾連水天台摠映雲人間長見畫老去恨空聞
范蠡舟偏小王喬鶴不羣此生隨萬物何處出塵氛

其三

高浪垂翻屋崩崖欲壓床野橋分子細沙嶼繞微茫
紅浸珊瑚短青懸薜荔長浮查並坐得仙老暫相將
巖公廳宴同詠蜀道畫圖得空字

巖公卽嚴武

日臨公館靜畫列地圖雄劔閣星橋北松州雪嶺東
華夷山不斷吳蜀水相通興與烟霞會清樽幸不空

畫鷹

素練風霜起蒼鷹畫作殊機身思狡兔側目似愁胡
條鋌光堪摘軒楹勢可呼何當擊凡鳥毛血洒平蕪

器用類

秋笛

清商欲盡奏奏苦血沾衣他日傷心極征人白骨歸
相逢恐恨過故作發聲微不見秋雲動悲風稍稍飛

蕃劍

致此自僻遠又非珠玉裝如何有奇怪每夜吐光芒
虎氣必騰上龍身寧久藏風塵苦未息持女奉明王

銅瓶

亂後碧井廢時清瑤殿深銅瓶未失水百丈有哀音
側想美人意應悲寒甃沉蛟龍半缺落猶得折黃金

食物類

江閣卧病走筆寄呈崔盧兩侍御

江閣近潭州

客子庖厨薄江樓枕席清
衰年病祗瘦長夏想為情
滑憶彫胡飯香聞錦帶羹
溜匙兼暖腹誰欲致盃鬯

秋日阮隱君致薤三十束

阮生秦州人名昉

隱者柴門內畦蔬繞舍秋
盈筐承露薤不待致書求
束比清芻色圓齊玉筋頭
衰年關鬲冷味暖併無憂

除架

架瓜架也除架則秋冬之交矣

束薪已零落、瓠葉轉蕭疎、幸結白花子、寧辭青蔓除、
秋蟲聲不去、暮雀意何如、寒事今牢落、人生亦有初、

廢畦

畦園中地隣也至冬則百蔬皆盡故畦荒

廢也

秋蔬擁霜露、豈敢惜凋殘、暮景數枝葉、天風吹汝寒、
綠雲泥滓盡、香與歲時闌、生意春如昨、悲君白玉盤、

鳥獸類

鷄

紀德名標五、初鳴度必三、殊方聽有異、失次曉無慙、

問俗人情似、充庖爾輩堪、氣交亭育際、巫峽漏司南、

歸燕

不獨避霜雪、其如儔侶稀、四時無失序、八月自知歸、
春色豈相訪、眾鷄還識機、故巢儻未毀、曾傍主人飛、

雙燕

旅食驚雙燕、銜泥入此堂、應同避燥濕、且復過炎涼、
養子風塵際、來時道路長、今秋天地在、吾亦離殊方、

鸚鵡

鸚鵡出自西域、能言鳥也、今陝西鳳翔府

四川烏蒙軍民府皆有之

鷓鴣含愁思、聰明憶別離、翠衿渾短盡、紅背謾多知、
未有開籠日、空殘宿舊枝、世人憐復損、何用秋毛奇、

子規

峽裏雲安縣、江樓翼瓦齊、兩邊山木合、終日子規啼、
耿耿春風見、蕭蕭夜色凄、客愁那聽此、故作傍人低、

百舌

百舌來何處、重重祇報春、知音兼眾語、整翮豈多身、
花密藏難見、枝高聽轉新、過時如發口、君側有讒人、

歸鴈二首

萬里衡陽鴈、今年又北歸、雙雙瞻客上、一一背人飛、

雲裡相呼疾、沙邊白宿稀、繫書無浪語、愁寂故人薇、

其二

欲雪遼胡地、先花別楚雲、却過清渭影、高起洞庭羣、
塞北春陰暮、江南日色曛、傷弓流落羽、行斷不堪聞、

歸鴈

聞道今春鴈、南歸自廣州、見花辭漲海、避雲到羅浮、
是物關兵氣、何時免客愁、年年霜露隔、不過五湖秋、

孤鴈

孤鴈不飲啄、飛鳴聲念羣、誰憐一片影、相失萬重雲、
望盡似猶見、哀多如更聞、野鷗無意緒、鳴噪自紛紛、

舟前小鵝兒

鵝兒黃似酒對酒愛新鵝引頸嗔船過無行亂眼多
翅開遭宿雨力小困滄波客散層城暮狐狸奈若何

鷓鴣

鷓鴣水鳥毛有五色其在溪中無毒氣

故使籠寬織須知動損毛看雲莫悵望失水任呼號
六翮曾經剪孤飛卒未高且無鷹隼慮畱滯莫辭勞

花鴨

花鴨無泥滓塔前每緩行羽毛知獨立黑白太分明
不覺羣心妬休牽眾眼驚稻梁霑汝在作意莫先鳴

鷗

江浦寒鷗戲無他亦自饒却思翻玉羽隨意點春苗
雪暗還須落風生一任飄幾羣滄海上清影日蕭蕭

玉腕驕

赤馬黑鬣曰驕腕臂腕也前足腕內白曰
玉腕驕良馬也公自註江陵節度衛公馬
也衛公諱伯玉加檢校工部尚書

聞說荆南馬尚書玉腕驕頓驂飄赤汗跼踏顧長楸
胡虜三年入乾坤一戰收舉鞭如有問欲伴習池遊
房兵曹胡馬

唐志都督府都護府皆有兵曹

胡馬大宛名鋒稜瘦骨成竹批雙耳峻風入四蹄輕
所向無空濶真堪託死生驍騰有如此萬里可橫行
病馬

乘爾亦已久天寒關塞深塵中老盡力歲晚病傷心
毛骨豈殊衆馴良猶至今物微意不淺感動一沉吟

麕

麕大麕旄毛狗足

永與清溪別蒙將玉饌俱無才遂仙隱不敢恨庖厨
亂世經全物微聲及禍樞衣冠兼盜賊饕餮用斯須

猿

裊裊啼虛壁蕭蕭掛冷枝艱難人不免隱見爾如知
慣習元從衆全生或用奇前林騰每及父子莫相離
從人覓小胡孫許寄

人說南州路山後樹樹懸舉家聞若欬爲寄小如拳
預晒愁胡面初調見馬鞭許求聰慧者童稚捧應癩
促織

促織甚微細哀音何動人草根吟不穩床下夜相親
久客得無淚故妻難及晨悲絲與急管感激異天真
螢火

幸因腐草出敢近太陽飛未足臨書卷時能點客衣
隨風隔幔小帶雨傍林微十月清霜重飄零何處歸

黃魚

日見巴東峽黃魚出浪新脂膏兼飼犬長大不容身
筒筍相公久風雷肯為神泥沙卷涎沫回首恠龍鱗

白小

白小即今麵條魚

白小羣分命天然二寸魚細微占水族風俗當園蔬
入肆銀花亂傾箱雪片虛生成猶拾卵盡取義何如

傷悼類

別房太尉墓

房瑄字次律河南人因陳陶斜之敗出守
邠州歷晉漢二州寶應二年召拜刑部尚
書在路遇疾廣德元年八月四日卒于閬

州僧舍年六十七

他鄉復行役駐馬別孤墳近淚無乾土低空有斷雲
對墓陪謝傅把劍覓徐君唯見林花落鷺啼送客聞
承聞故房相公靈櫬自閬州啓殯歸葬東都
有作二首

房瑄河南府人罷相後歷漢州刺史廣德

元年赴召道病卒於閬州時權瘞於彼後
贈太尉

遠聞房太守歸葬陸渾山一德興王後孤冤久客間
孔明多故事安石竟崇班他日嘉陵淚仍霑楚水還

其二

丹旄飛飛日初傳發閬州風塵終不解江漢忽同流
劔動新身匣書歸故國樓盡哀知有處爲客恐長休

哭嚴僕射歸櫬

素幕隨流水歸舟返舊京老親如夙昔部曲異平生
風送蛟龍雨天長驃騎營一哀三峽暮遺後見君情

重題

李之芳乃蔣王暉宗室之孫拜吏部尚書
改太子賓客既卒公哭以五言十韻而中
有相知成白首之句今謂之重顯豈與前

五言十韻一首同時作歟

涕灑不能收哭君餘白頭兒童相顧盡宇宙此生浮
江雨銘旌濕湖風井逕秋還瞻魏太子賓客減應劉

哭李常侍嶧二首

唐志左右散騎常侍隸門下中書省掌規
諷過失侍從顧問

一代風流盡脩文地下深斯人不重見將老失知音
短日行梅嶺寒山落桂林長安若箇伴猶想映貂金

其二

青鎖陪雙入銅梁阻一辭風塵逢我地江漢哭君時
次第尋書札呼兒減贈詩發揮王子表不愧史臣詞

聞高常侍亡

高適也時爲右散騎常侍按史常侍掌規
諷過失侍從顧問適嘗練兵於蜀師出無
功以嚴武代還

歸朝不相見蜀使忽傳亡虛歷金華省何殊地下郎

致君丹檻折哭友白雲長獨步詩名在祇令故舊傷

哭長孫侍御

長孫侍御卽長孫九侍御也

道爲詩書重名因賦頌雄禮闈曾擢桂憲府舊乘駟
流水生涯盡浮雲世事空唯餘舊臺柏蕭瑟九原中

過故斛斯校書莊二首

公自注老儒艱難病於庸蜀嘆其歿後方
受一官

斛斯卽斛斯六乃草堂之隣公所謂酒伴者
此老已云歿鄰人嗟未休竟無宣室召徒有茂陵求

妻子寄他食園林非昔遊空餘總帷在浙浙野風秋
其二

鷺入非傍舍鷗歸祇故池斷橋無復板卧柳自生枝
遂有山陽作多慚鮑叔知素交零落盡白首淚雙垂
不歸

安祿山反河北諸郡望風瓦解公之從弟
死于城中至此已經三年公有感而作

河間尚征伐汝骨在空城從弟人皆有終身恨不平
數金憐俊邁總角愛聰明尚上三年土春風草又生
故武衛將軍挽詞三首

武衛將軍之名起於衛掌統領宮禁警衛
之法

嚴警當寒夜前軍落大星壯夫思敢決哀詔惜精靈
王者今無戰書生已勒銘封侯意疎豁編簡爲誰青
其二

舞劍過人絕鳴弓射獸能銛鋒行愜順猛噬失躄騰
赤羽千夫膳黃河十月水橫行沙漠外神速至今稱
其三

哀挽青門去新阡絳水遙路人紛雨泣天意颺風颺
部曲精仍銳匈奴氣不驕無由覩雄略大樹日蕭蕭

雜賦類

白露

白露團甘子清晨散馬蹄
團開連石樹船渡入江溪
憑几看魚樂回鞭急鳥棲
漸知秋實美幽徑恐多蹊

擣衣

亦知戍不返秋至拭清砧
已近苦寒月况經長別心
寧辭擣衣倦一寄塞垣深
用盡閨中力君聽空外音

花木類

梔子

梔子比眾木人間誠未多
於身色有用與道氣傷和

紅取風霜實青看雨露柯
無情移得汝貴在映江波

江梅

梅蕊臘前破梅花年後多
絕知春意早最奈客愁何
雪樹元同色江風亦自波
故園不可見巫岫鬱嵯峨

早花

西京安穩未不見一人來
臘月巴江曲山花已自開
盈盈當雪杏豔豔待香梅
直若風塵暗誰憂客鬢催

花底

紫萼扶千蕊黃鬚照萬花
忽疑行暮雨何事入朝霞
恐是潘安縣堪畱衛玠車
深知好顏色莫作委泥沙

庭草

楚草經寒碧庭春入眼濃舊低收葉舉新掩捲牙重
步履宜輕過開筵得屢供看花隨節序不敢強爲容
蒹葭

摧折不自守秋風吹若何暫時花載雪幾處葉沉波
體弱春苗早叢長夜露多江湖後搖落亦恐歲蹉跎
嚴鄭公宅同詠竹得香字

綠竹半含籜新稍纔出墻色侵書帙晚陰過酒罇涼
雨洗娟娟淨風吹細細香但令無剪伐會見拂雲長
苦竹

青冥亦自守軟弱強扶持味苦夏蟲避叢甲春鳥驚
軒墀曾不重剪伐亦無辭幸近幽人屋霜根結在茲
柳邊

只道梅花發那知柳亦新枝枝總到地葉葉自開春
紫燕時翻翼黃鸝不露身漢南應老盡灞上遠愁人
高栴

栴卽楠樹葉似桑子似杏而酸此栴卽草
堂前樹也

栴樹色冥冥江邊一蓋青近根開藥圃接葉製茅亭
落景陰猶合微風韻可聽尋常絕醉困卧此片時醒

嚴鄭公塔下新松得霑字

弱質豈自負移根方爾瞻細聲聞玉帳踈翠近珠簾
未見紫煙集虛蒙清露霑何時一百丈歆蓋擁高簷

樹間

岑寂雙甘樹婆娑一院香交柯低几杖垂實礙衣裳
滿歲如松碧同時待菊黃幾回霑葉露乘月坐胡床

惡樹

獨遶虛齋徑常持小斧柯幽陰成頗雜惡木翦還多
枸杞固吾有鷄棲柰如何方知不材者生長漫婆娑

簡寄顛

奉贈嚴八閣老

嚴八卽嚴武兩省相呼爲閣老宰相呼爲
堂老武時爲給事中公時爲左拾遺各居
南省故曰閣老

扈理登黃閣明公獨妙年蛟龍得雲雨鷓鴣在秋天
客禮容踈放官曹可接聯新詩句句好應任老夫傳

寄高三十五詹事

高適肅宗奇之除揚州大都督府長史李
輔國惡其才毀之除太子少詹事

安穩高詹事兵戈久索居時來知宦達歲晚莫情踈

天上多鴻鴈池中足鯉魚相看過半百不寄一行書
酬寇十侍御錫見寄四韻復寄寇

往別郇瑕地于今四十年來簪御府筆故泊洞庭船
詩憶傷心處春深把臂前南瞻按百越黃帽待君偏
贈陳二補闕

補闕拾遺唐制左補闕左拾遺右補闕右
拾遺各六人掌諷諫大事則廷論小事則

上封事

世儒多汨沒夫子獨聲名獻納開東觀君王問長卿
皂鵝寒始急天馬老能行自到青冥裏休看白髮生

奉答岑參補闕見贈

參試大理評事攝監察御史公薦其宜充
近侍此詩當是薦後所作

窈窕清禁闕罷朝歸不同君隨丞相後我住日華東
冉冉柳枝碧娟娟花藥紅故人得佳句獨贈白頭翁
奉柬高三十五使君

適由詹事出刺彭州復由彭州刺蜀時公
在蜀

當代論才子如公復幾人驂騑開道路鷹隼出風塵
行色秋將晚交情老更親天涯喜相見披豁對吾真

寄楊五桂州譚

譚楊五長史之名時叅軍段子為廣州功
曹楊長史亦自桂州徙廣故託段子寄此
詩

五嶺皆炎熱宜人獨桂林梅花萬里外雪片一冬深
聞此寬相憶為邦復好音江邊送孫楚還附白頭吟

赴青城縣出成都寄陶王二少尹

青城縣今為灌縣在成都府西五十里按
成都府有少尹二人掌二府州之事歲終
更次入計

老被樊籠役貧嗟出入勞客情投異縣詩態憶吾曹
東郭滄江合西山白雪高文章差病底迴首興滔滔

奉寄李十五秘書文嶷二首

文嶷李十五名也

避暑雲安縣秋風早下來暫留魚復浦同過楚王臺
猿鳥千崖窄江湖萬里開竹枝歌未好畫舸且遲回
其二

行李千金贈衣冠八尺身飛騰知有策意度不無神
班秩兼通貴公侯出異人玄成負文彩世業豈沉淪
路逢襄陽楊少府入城戲呈楊四員外綰

楊綰字公權華州人肅宗即位綰自賊中
冒難赴行在除起居舍人知制誥歷司勳
員外郎公赴華州日許寄員外茯苓

寄語楊員外山寒少茯苓歸來稍暄暖當為斲青冥
翻動神仙窟封題鳥獸形兼將老藤杖扶汝醉初醒

奉贈王中允維

王維字摩詰累遷給事中祿山反陷長安
迫為給事中祿山大宴凝碧池悉召梨園
諸工樂工皆泣維聞甚悲作詩悼痛賊平
下獄以詩聞行在肅宗憐之下遷太子中

允自中允三遷尚書右丞維有別業輞川
唐志左春坊中允二人掌侍從贊相駁正
啓奏

中允聲名久如今契濶深共傳收庾信不比得陳琳
一病緣明主三年獨此心窮愁應有作試誦白頭吟

寄高三十五書記

書記節度幕府掌箋奏之官

歎息高生老新書日又多美名人不及佳句法如何
主將收才子崆峒足凱歌聞君已朱紱且得慰蹉跎

寄高適

楚隔乾坤遠難招病客魂詩名唯我共世事與誰論
北闕更新主南星落故園定知相見日爛熳倒芳樽
得廣州張判官叔卿書使還以書代意

鄉關胡騎遠宇宙蜀城偏忽得炎州信遙從月峽傳
雲深驃騎幕夜隔孝廉船却寄雙愁眼相思淚點懸
敬簡王明府

簡牒也王明府遂州唐興縣宰王潛也前
有逢唐興劉主簿詩此殆因劉而簡之遂
州注見逢唐興劉主簿第詩

葉縣郎官宰周南太史公神仙才有數流落意無窮
驥病思偏秣鷹秋怕苦籠看君用高義耻與萬人同

重簡王明府

甲子西南異冬來只薄寒江雲何夜靜蜀雨幾時乾
行李須相問窮愁豈有寬君聽鴻鴈響恐致稻梁難
寄邛州崔錄事

邛州崔錄事聞在果園坊久待無消息終朝有底忙
應愁江樹遠怯見野亭荒浩蕩風塵外誰知酒熟香
廣州段功曹到得楊五長史書功曹却歸聊
寄此詩

功曹開元初京尹及諸都督府並曰功曹

叅軍廣州爲中都督故置

衛青開幕府楊僕將樓船漢節梅花外春城海水邊
銅梁書遠及珠浦使將旋貧病他鄉老煩君萬里傳
逢唐興劉王簿第

分手開元未連年絕尺書江山且相見戎馬未安居
劔外官人冷關中驛騎踈輕舟下吳會王簿意何如
官亭夕坐戲簡顏十少府

顏時爲公安尉公嘗賦醉歌行神仙中人
不易得顏氏之子才孤標正其人也

南國調寒杵西江浸日車客愁連蟋蟀亭古帶蒹葭
不返青絲鞵虛燒夜燭花老翁須地主細細酌流霞
戲簡崔評事表姪蘇五表弟常大少府諸姪
隱豹深愁雨潛龍故起雲泥多仍徑曲心醉阻賢羣
恐待江山麗還披鮑謝文高樓憶踈豁秋興坐氤氳
贈高式顏

高適公之故人式顏適族姪也

昔別是何處相逢皆老夫故人還寂寞削迹共艱虞
自失論文友空知賣酒壚平生飛動意見爾不能無

酬孟雲卿

雲卿時爲校書郎

樂極傷頭白更深愛燭紅相逢難袞袞告別莫忽忽
但恐天河落寧辭酒盞空明朝牽世務揮淚各西東
贈畢四曜

玉臺後集有曜詩二首

才大今詩伯家貧苦宦卑饑寒奴僕賤顏狀老翁為
同調嗟誰惜論文笑自知流傳江鮑體相顧免無兒

寄賀蘭二鈿

朝野歡娛後乾坤震蕩中相隨萬里日揔作白頭翁
歲晚仍分袂江邊更轉蓬勿云俱異域飲啄幾回同
寄杜位

公自注頃者與位同在故嚴尚書幕

寒日經簷短窮猿失木悲峽中為客恨江上憶君時
天地身何往風塵病敢辭封書兩行淚霑灑衰新詩

孟氏

孟十一倉曹與十四主簿也

孟氏好兄弟養親唯小園承顏抵手足坐客強盤餐
負米力葵外讀書秋樹根卜隣漸近舍訓子覺先門
聞惠子過東溪

即灤西之東溪也

惠子白驢瘦歸溪唯病身皇天無老眼空谷滯斯人

崖蜜松花熟，山杯竹葉春。柴門了生事，黃綺未稱臣。

聞斛斯六官未歸

斛斯覆姓名融

故人南郡去，去索作碑錢。本賣文為活，翻令室倒懸。
荆扉深蔓草，土銼冷疎煙。老罷休無賴，歸來省醉眠。

酬高使君

公初到成都，寓居於浣花寺。時高適為彭州刺史，以詩寄贈，曰：傳道招提客，詩書自討論。佛香時入院，僧飯屢過門。聽法還應難，尋經剩欲翻。草玄今已畢，此後更何言。

故公答以此詩

古寺僧牢落，空房客寓居。故人供祿米，鄰舍與園蔬。
雙樹容聽法，三車肯載書。草玄吾豈敢，賦或似相如。

酬常韶州見寄

韶州屬廣東，常迢時為韶州牧。

養拙江湖外，朝廷記憶疎。深慙長者轍，重得故人書。
白髮絲難理，新書錦不如。雖無南過鴈，看取北來魚。

佐還山後寄三首

還山即東柯谷也，谷在秦州。

山晚黃雲合，歸時恐路迷。澗寒人欲到，林黑鳥應棲。

野客茅茨小田家樹木低舊諳踈懶叔須汝故相移

其二

白露黃梁熟分張素有期已應春得細頗覺寄來遲
味豈同金菊香宜配綠葵老人他日愛正想滑流匙

其三

幾道泉澆圃交黃落幔坡葳蕤秋葉小隱映野雲多
隔沼連香菱通林帶女蘿其間霜薤白重惠意如何

戲題寄上漢中王三首

王名瑀玄宗兄讓王之子汝陽王璿之弟
肅宗詔收羣臣馬助戰瑀與魏少遊持不

可帝怒貶蓬州刺史時王在梓州初至斷
酒不飲故篇中有戲

西漢親王子成都老客星百年雙白鬢一別五秋螢
忍斷盃中物祇看座右銘不能隨皂蓋自醉逐浮萍

其二

策杖時能出王門異昔遊已知嗟不起未許醉相畱
蜀酒濃無敵江魚美可求終思一酩酊淨掃鴈池頭

其三

群盜無歸路衰顏會遠方尚憐詩警策猶憶酒顛狂
魯衛彌尊重徐陳畧喪亡空餘枚叟在應念早升堂

第五弟豐獨在江左近三四載寂無消息覓使寄此二首

天寶十五載丙申公避亂與諸弟相別至大曆元年丙午為十年當是其年在夔州作

亂後嗟吾在羈栖見汝難草黃驥驢病沙晚鶴鴿寒楚設開城險吳吞水府寬十年朝夕淚衣袖不曾乾

其二

聞汝依山寺杭州定越州風塵淹別日江漢失清秋影著啼猿樹鬼飄結廬樓明年下春水東盡白雲求

懷舊類

懷舊

懷蘇源明也公平生最善者

地下蘇司業情親獨有君那因喪亂後便有死生分老罷知明鏡悲來望白雲自從失詞伯不復更論文所思

得台州鄭司戶消息時虔以祿山之汚貶為台州司戶

鄭老身仍竄台州信始傳為農山澗曲卧病海雲邊世已疎儒素人猶乞酒錢徒勞望斗牛無計斲龍泉

不見

公自注近無李白消息公自開元中與白同游齊交間至乾元初白以永王璘謀叛之累流夜郎故有此作

不見李生久佯狂真可哀世人皆欲殺吾意獨憐才敏捷詩千首飄零酒一杯匡山讀書處頭白好歸來

春日憶李白

白也詩無敵飄然思不羣清新庾開府俊逸鮑參軍渭北春天樹江東日暮雲何時一樽酒重與細論文

冬日有懷李白

按白本傳天寶初白至長安公在齊州懷之也

寂寞書齋裏終朝獨爾思更尋嘉樹傳不忘角弓詩
短褐風霜入還丹日月遲未應乘興去空有鹿門期

天末懷李白

涼風起天末君子意如何鴻鴈幾時到江湖秋水多
文章憎命達魑魅喜人過應共冤冤語投詩贈汨羅

尋訪類

王竟携酒高亦同過其用寒字

王十七侍御掄許携酒至草堂奉寄此詩

便請邀高三十五使君同到其七言律老
夫卧穩朝慵起一首故此題曰竟曰亦

卧病荒郊遠通行小徑難故人能領客攜酒重相看
自愧無鮭菜空煩卸馬鞍移時勸山簡頭白恐風寒
徐九少尹見過

唐志成都府尹一人少尹二人當時府尹
兼節制兵馬以討亂故少尹兼行軍也即
謂之行軍司馬

晚景孤村僻行軍數騎來交新徒有喜禮厚媿無才
賞靜憐雲竹忘歸步月臺何當看花藥欲發照江梅

范二員外邈吳十侍御郁特枉駕闕展待聊
寄此作

暫往比隣去空聞二妙歸幽棲誠簡畧哀白已光輝
野外貧家遠村中好客稀論文或不愧重肯款柴扉
九月一日過孟十二倉曹十四王簿兄弟

藜杖侵寒露蓬門啓曙煙力稀經樹歇老困撥書眠
秋覺追隨盡來因孝友偏清談見滋味爾輩可忘年
過客相尋

窮老真無事江山已定居地幽忘盥櫛客至罷琴書
挂壁移筐果呼兒問煮魚時聞繫舟楫及此問吾廬

賓至

患氣經時久臨江卜宅新喧卑方避俗疎快頗宜人
有客過茅宇呼兒正葛巾自鋤稀菜甲小摘爲情親
王十五司馬弟出郭相訪兼遺營草堂貲

王司馬未詳其名營草堂貲贈以營治草堂之貲財也

客裏何遷次江邊正寂寥肯來尋一老愁破是今朝
憂我營茅棟攜錢過野橋他鄉唯表弟還往莫辭勞
孟倉曹步趾領酒醬二物見遺老人

楚岸通秋屐胡床面夕畦藉糟分汁滓甕醬落提攜
飯糲添香味朋來有醉泥理生那免俗方法報山妻

送別類

奉濟驛重送嚴公四韻

遠送從此別青山空復情幾時盃重把昨夜月同行
列郡謳歌惜三朝出入榮江村獨歸處寂寞養殘生
奉送常中丞之晉赴湖南

之晉時爲衡州刺史

寵渥徵黃漸權宜借寇頻湖南安背水峽內憶行春
王室仍多故蒼生倚大臣還將徐孺榻處處待高人
畱別賈嚴二閣老兩院補闕

時賈至爲中書舍人嚴武爲給事中唐志
垂拱二年置左右補闕二員掌供奉諷諫
田園須整往戎馬惜離群去遠留詩別愁多任酒曠
一秋常苦雨今日始無雲山路晴吹角那堪處處聞

送賈閣老出汝州

賈閣老名至汝州屬河南南陽府

西掖梧桐樹空留一院陰艱難歸故里去住損春心
宮殿青門隔雲山紫邏深人生五馬貴莫受二毛侵
江亭王閬州筵餞蕭遂州

離亭非舊國春色是他鄉老畏歌聲短愁隨舞曲長

二天開寵餞五馬爛生光川路風煙接俱宜下鳳凰
送鮮于萬州遷巴州

京兆先時傑琳瑯照一門朝廷偏注意接近與名藩
祖帳維舟數寒江觸石喧看君妙爲政他日有殊恩
潭州送常員外迢牧韶州

炎海韶州牧風流漢署郎分符先令望同舍有輝光
白首多年疾秋天昨夜涼洞庭無過鴈書疏莫相忘
巫山縣汾州唐十八使君第宴別兼諸公攜
酒樂相送率題小詩留于屋壁

卧病巴東久今年强作歸故人猶遠謫茲日倍多違

接宴身兼杖聽歌淚滿衣諸公不相棄擁別借光輝
江亭送眉州辛別駕昇之得蕪字

柳影含雲幕江波近酒壺異方驚會面終宴惜征途
沙暖低風蝶天晴喜浴鳧別離傷老大意緒日荒蕪
送田四弟將軍歸夔州柏中丞命起居江陵
節度陽城郡王衛公幕

離筵罷多酒起地發寒塘回首中丞座馳箋異姓王
燕辭楓樹日鴈度麥城霜空醉山翁酒遙憐似葛疆
送何侍御歸朝

李梓州泛舟筵上作

舟楫諸侯餞車輿使者歸山花相映發水鳥自孤飛
春日垂霜鬢天隅把繡衣故人從此去寥落寸心違
魏十四侍御就弊廬相別

有客騎驄馬江邊問草堂遠尋畱藥價惜別到文場
入幕旌旗動歸軒錦繡香時應念衰疾書跡及滄浪
惠義寺送王少尹赴成都分得峯字

苒苒谷中寺娟娟林表峯欄干上處遠結構坐來重
騎馬行春徑衣冠起暮鐘雲門青寂寞此別惜相從
送翰林張司馬南海勒碑

唐志翰林無司馬今題云翰林司馬豈非

以司馬而兼翰林之事乎

冠冕南通極文章落上台詔從三殿去碑到百蠻開
野館濃花發春帆細雨來不知滄海上天遣幾時回
贈常贊善別

按唐志東宮官左贊善大夫五人掌傳令
諷過失贊禮儀常贊善當是常見素之後
扶病送君發自憐猶不歸祗應盡客淚復作掩荆扉
江漢故人少音書從此稀往還二十載歲晚寸心違

送常郎司直歸成都

公在梓州作

竄身來蜀地同病得常郎天下兵戈滿江邊歲月長
別筵花欲暮春日鬢俱蒼為問南溪竹抽稍合過墻
送常書記赴安西

唐志元帥節度使有掌書記一人凡文辭
之事皆出書記安西在西域龜茲國中

夫子歛通貴雲泥想望懸白頭無藉在朱紱有哀憐
書記赴三捷公車留二年欲浮江海去此別意茫然

鄴縣西原送李判官兄武判官弟赴成都府

鄴縣今四川潼川州傍郭縣

憑高送所親久坐惜芳辰遠水非無浪他山自有春

野花隨處發官柳著行新天際傷愁別離筵何太頻
別崔湜因寄薛璩孟雲卿

公自注內弟湜赴湖廣幕職

志士惜妄動知深難固辭如何久磨礪但取不磷緇
夙夜聽憂王飛騰急濟時荊州遇薛孟爲報欲論詩
送王十六判官

客下荊南盡今君復入舟買薪猶白帝鳴櫓已沙頭
衡霍生春早瀟湘共海浮荒林庾信宅爲仗主人留
暮秋將歸秦畱別湖南幕府親友

大曆五年公將北歸竟卒於潭岳之間

水濶蒼梧野天高白帝秋窮途那免哭身老不禁愁
太府才能會諸公德業優北歸衝雨雪誰憫弊貂裘
送李功曹之荊州克鄭侍御判官重贈

曾聞宋玉宅每欲到荊州此地生涯晚遙悲水國秋
孤城一柱觀落日九江流使者雖光彩青楓遠自愁
東津送韋諷攝閬州錄事

聞說江山好憐君吏隱兼寵行舟遠泛惜別酒頻添
推薦非承乏操持必去嫌它時如按縣不得慢陶潛
送趙十七明府之縣

明府者尊高之稱今趙爲縣尹而稱明府

者亦尊之也

連城爲寶重茂宰得才新山雉迎舟楫江花報邑人
論交翻恨晚卧病却愁春惠愛南翁悅餘波及老身

送段功曹歸廣州

南海春天外功曹幾月程峽雲籠樹小湖日落江明
交趾丹砂重韶州白葛輕幸君因估客時寄錦官城
送孟十二倉曹赴東京選

倉曹卽孟氏好兄弟也

君行別老親此去苦家貧藻鏡留連客江山憔悴人
秋風楚竹冷夜雪鞏梅春朝夕高堂念應宜綵服新

晚秋長沙蔡五侍御飲筵送殷六參軍歸澧
州觀省

佳士欣相識慈顏罷遠游甘從投轄飲肯作置書郵
高鳥黃雲暮寒蟬碧樹秋湖南冬不雪吾病得淹留
送司馬入京

與後篇巴西西聞收京闕送班司馬入京一
首同作後人妄分爲二當合爲一題曰送
班司馬入京二首

羣盜至今日先朝忝從臣歎君能戀主又客美歸秦
黃閣長司諫丹墀有故人向來論社稷爲話涕霑巾

送張二十參軍赴蜀州因呈楊五侍御

唐志三都大都督府諸州俱有參軍事掌

出使贊導

好去張公子通家別恨添兩行秦樹直萬點蜀山尖

御史新驄馬參軍舊紫髯皇華吾善處於汝定無嫌

泛江送魏十八倉曹還京因寄岑中允參范

郎中李明

是年岑參自號州長史入為太子中允

遲日深江水輕舟送別筵帝鄉愁緒外春色淚痕邊

見酒須相憶將詩莫信浪傳若逢岑與范為報各衰年

送裴二虬作尉永嘉

孤嶼亭何處天涯水氣中故人官就此絕境與誰同

隱吏逢梅福遊山憶謝公扁舟吾已就把釣待秋風

奉送卿二翁統節度鎮軍還江陵

卿二翁姓崔公之舅氏

火旗還錦纜白馬出江城嘹唳吟笳發蕭條別浦清

寒空巫峽曙落日渭陽情畱滯嗟衰疾何時見息兵

別常徵君

兒扶猶杖策卧病一秋強白髮少新梳寒衣寬總長

故人憂見及此別淚相忘各逐流萍轉來書細作行

才言分婁
卷之五
六十四
三十三
涪江泛舟送常班歸京得山字

追餞同舟日傷春一水間飄零爲客久衰老美君還
花雜重重樹雲輕處處山天涯故人少更益鬢毛斑
公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞鴈一行鳴
南紀連銅柱西江接錦城憑將百錢卜飄泊問君平
送元二適江左

元二元結也

亂後今相見秋深復遠行風塵爲客日江海送君情
晉室丹陽令公孫白帝城經過自愛惜取次莫論兵

送裴五赴東川

故人亦流落高義動乾坤何日通燕塞相看老蜀門
東行應暫別北望若銷魂凜凜悲秋意非君誰與論
贈別何邕

生死論交地何由見一人悲君隨燕雀薄宦走風塵
綿谷元通漢沱江不向秦五陵花滿眼傳語故鄉春
贈別鄭鍊赴襄陽

戎馬交馳際柴門老病身把君詩過日念此別驚神
地濶峨眉晚天高峴首春爲於耆舊內試覓姓龐人
送人從軍

弱水應無地陽關已近天今君渡沙磧累日斷人煙
好武寧論命封侯不計年馬寒防失道雪沒錦鞍韉

送遠

帶甲滿天地胡爲君遠行親朋盡一哭鞍馬去邊城
草木歲月晚關河霜雪清別離已昨日因見古人情

泛江送客

一月頻送客東津江欲平煙花山際重舟楫浪前輕
淚逐勸盃落愁連吹笛生離筵不隔日那得易爲情

隨章留後新亭會送諸君

新亭有高會行子得良時日動映江幕風鳴排檻旗

絕葷終不改勸酒欲無詞已墮峴山淚因題零雨詩

夏日楊長寧宅送崔侍御常正字八法

載酒揚雄宅升堂子賤琴不堪垂老鬢還對欲分襟
天地西江遠星辰北斗深烏臺俯麟閣長夏白頭吟

送靈州李判官

羯胡腥四海回首一茫茫血戰乾坤赤氛迷日月黃
將軍專策畧幕府盛才良近賀中興主神兵動朔方

巴西聞收京闕送班司馬入京

綿州爲巴西郡公是年自梓州挈家往閬
州道經綿州而有此詩

聞道收宗廟鳴鑿自陝歸傾都看黃屋正殿引朱衣
劍外春天遠巴西敕使稀念君經世亂匹馬向王畿

送王侍御往東川放生池祖席

東川詩友合此贈怯輕為况復傳宗近空然惜別離
梅花交近野草色向平池儻憶江邊卧歸期願早知

七言律

紀行類

恨別

洛城一別四千里胡騎長驅五六年草木變衰行劍
外兵戈阻絕老江邊思家步月清宵立憶弟看雲白

印眠聞道河陽近乘勝司徒急為破幽燕

曉發公安數月憇息此縣

大曆三年公移居公安冬深入岳陽此詩

作于其時

是體

北城擊析復欲罷東方明星亦不遲隣鷄野哭如昨
日物色生能態能幾時舟楫眇然自此去江湖遠適無
前期出門轉盼已陳迹藥餌扶吾隨所之

述懷類

聞官軍收河南河北

廣德元年正月甲申史朝義自殺其將李

照明龍先生批
汗
清
去
一
氣
入
法

清忠一氣

法

字言在生切

愈朴而近

至首不干題

事

去處而嫩

本言夕斐

卷之五

二

二九士

懷仙以幽州降田承嗣以魏博降

劍外忽傳收薊北初聞涕淚滿衣裳却看妻子愁何在謾卷詩書喜欲狂白首放歌須縱酒青春作伴好還鄉卽從巴峽穿巫峽便下襄陽向洛陽

江上值水如海勢聊短述

自叙體

自叙體

爲人性癖耽佳句語不驚人死不休老去詩篇渾漫興春來花鳥莫深愁新添水檻供垂釣故著浮槎替入舟焉得思如陶謝手令渠述作與同遊

自叙體

撥悶

泰元年五月公離成都下戎渝六月至

忠州

聞道雲安麴米春纔傾一盞卽醺人乘舟取醉非難事下峽銷愁定幾巡長年三老遙憐汝捩柁開頭捷有神已辦青錢防顧直當令美味入吾唇

愁

吳體

公自註強戲爲吳體

江草日日喚愁生巫峽泠泠非世情盤渦鷺浴底心性獨樹花發自分明十年戎馬暗南國異域賓客老孤城渭水秦山得見否人今罷病虎縱橫

卽事

吳體

上寺八頁

卷之五

二

如

天畔羣山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦川流濁涇

峽中覽物

曾為掾吏趨三輔憶在潼關詩興多巫峽忽如瞻華
嶽蜀江猶似見黃河舟中得病攜衾枕洞口經春長
薜蘿形勝有餘風土惡幾時回首一高歌

暮歸

吳

霜黃碧梧白鶴棲城上擊柝復烏啼客子入門月皎
皎誰家搗練風淒淒南渡桂水闕舟楫北歸秦川多

鼓擊年過半百不稱意明日看雲還杖藜

遣悶戲呈路十九曹長

路亦為補遺在西省故稱長

拱句

江浦雷聲喧昨夜春城雨色動微寒黃鸝並坐交愁
濕白鷺羣飛太劇乾晚節漸於詩律細誰家數去酒
杯寬惟君最愛清狂客百遍相過意未闌

咏懷古蹟五首

五首謂庾信宋玉昭君先王孔明也

支離東北風塵際漂泊西南天地間三峽樓臺淹日
月五谿衣服共雲山羯胡事主終無賴詞客哀時且

用議注

吳代即不同時
古人便以為多
不屑用事
乃更為
此得磊落

未還。庾信平生最蕭瑟。暮年詩賦動江關。
搖落深知宋玉悲。風流儒雅亦吾師。悵望千秋一灑
淚。蕭條異代不同時。江山故宅空文藻。雲雨荒臺豈
夢思。最是楚宮俱泯滅。舟人指點到今疑。
群山萬壑赴荆門。生長明妃尚有村。一去紫臺連朔
漠。獨留青塚向黃昏。畫圖省識春風面。環珮空歸月
夜魂。千載琵琶作胡語。分明怨恨曲中論。
蜀王窺吳幸三峽。崩年亦在永安宮。翠華想像空山
裏。玉殿虛無野寺中。古廟杉松巢水鶴。歲時伏臘走
村翁。武侯祠屋常鄰近。一體君臣祭祀同。

古風氣際

用議於
五首九世一字
一淚矣

諸葛大名垂宇宙。示臣遺像肅清高。二分割據紆籌
策。萬古雲霄一羽毛。伯仲之間見伊呂。指揮若定失
蕭曹。運移漢祚終難復。志決身殲軍務勞。

蜀相 謂諸葛武侯當是上元元年作或以為
次年春日也

丞相祠堂何處尋。錦官城外柏森森。映階碧草自春
色。隔葉黃鸝空好音。三顧頻繁天下計。兩朝開濟老
臣心。出師未捷身先死。長使英雄淚滿襟。

將相類

諸將五首

多少蘊藉一唱三歎

五首乃言天寶以來諸將之事此公秋至

多言至好用
議強

雲安而作

漢朝陵墓對南山。胡虜千秋尚入關。昨日玉魚蒙葬地。早時金盃出人間。見愁汗馬西戎逼。曾閃朱旗北斗間。多少材官守涇渭。將軍且莫破愁顏。

韓公本意築三城。擬絕天驕拔漢旌。豈謂盡煩回紇馬。翻然遠救朔方兵。胡來不覺潼關隘。龍起猶聞晉水清。獨使至尊憂社稷。諸君何以答昇平。

洛陽宮闕化為烽。休道秦關百二重。滄海未全歸禹貢。劍門何處覓堯封。朝廷衮職誰爭補。天下軍儲不自供。猶喜臨邊王相國。肯銷金甲事春農。

回首扶桑銅柱標。冥冥氛祲未全消。越裳翡翠無消息。南海明珠久寂寥。殊錫曾為大司馬。總戎皆插侍中貂。炎風朔雪天王地。只在忠良翊聖朝。

錦江春色逐人來。巫峽清秋萬壑哀。正憶往時嚴僕射。共迎中使望鄉臺。王恩前後三持節。軍令分明數舉盃。西蜀地形天下險。安危須仗出羣材。

宮室類

奉和賈至舍人早朝大明宮

乾元元年春公在諫省作

五夜漏聲催曉箭。九重春色醉仙桃。旌旗日暖龍蛇

壯氣自足若邪

壯詩八頁

卷之五

三十一

邢

滿字不免癡
肥矣謬發此

本言分數

卷之五

凌句

三百七

動。宮殿風微燕雀高。朝罷香煙攜滿袖。詩成珠玉在
揮毫。欲知世掌絲綸美。池上于今有鳳毛。

宣政院退朝晚出左掖

按含元殿之後有宣政殿謂之正衙朔望
御之即古之內朝也左有東上閣門門下
省在焉右有西上閣門中書省在焉公時
為左拾遺隸門下省故出左掖掖傍之小
門也

拱句

終覺肥滑

天門日射黃金榜。春殿晴曛赤羽旗。宮草霏霏承委
佩。爐烟細細駐遊絲。雲近蓬萊常五色。雪消鵙鵲亦

多時侍臣緩步歸青瑣。退食從容出每遲。

紫宸殿退朝口號

按紫宸乃唐內便殿謂之上閣日御之即
古之燕朝也

春宮宮為

戶外昭容紫袖垂。雙瞻御座引朝儀。香飄合殿春風
轉。花覆千官洲景移。晝漏稀聞高閣報。天顏有喜近
臣知。宮中每出歸東省。會送夔龍集鳳池。

題省中院壁

吳體

省即門下省

掖垣竹埤梧十尋。洞門對雪常陰陰。落花游絲白日

矣。隨有信此亦

土寺八頁

卷之五

三三

旌旗日暖宮殿
風泚雨白比

撰句

上下沈著

撰句

木言吟嘯
卷之五
靜鳴鳩乳燕青春深腐儒衰晚繆通籍退食遲回遠
寸心衮職曾無一字補許身愧比雙南金

宿府

清秋幕府井梧寒獨宿江城蠟炬殘永夜角聲悲自
語中天月色好誰看風塵荏苒音書絕關塞蕭條行
路難已忍伶俜十年事強移棲息一枝安

院中晚晴懷西郭茅舍

廣德二年夏公以嚴武表為節度參謀檢
校工部員外郎

幕府秋風日夜清淡雲疎雨過高城葉心朱實堪時

落堦面青苔先自生復有樓臺銜暮景不勞鍾鼓報

新晴浣花溪裡花饒笑肯信吾兼吏隱名

堂成

公自注程本名不中可免新而已作蜀地不在且

背郭堂成蔭白茅綠江路熟俯青郊檜林礙日吟風
葉籠竹和烟滴露稍暫止飛鳥將數子頻來語燕定
新巢傍人錯比揚雄宅懶惰無心作解嘲

卜居

公到成都節度使裴冕為卜浣花谿營草

堂

浣花谿水水西頭主人為卜林塘幽已知出郭少塵

事更有澄江銷客愁無數蜻蜒齊上下一雙鷓鴣對
沈浮東行萬里堪乘興須向山陰上小舟

忘更此大

狂夫

萬里橋西一草堂百花潭水即滄浪風含翠篠娟娟
淨雨裛紅蕖冉冉香厚祿故人書斷絕恒饑稚子色
淒涼欲填溝壑惟疎放自笑狂夫若更狂

野老

野老籬前江岸迴柴門不正逐江開漁人網集澄潭
下賈客船隨返照來長路關心悲劔閣片雲何意傍
琴臺王師未報收東郡城闕秋生畫角哀

詩中不可無此

善叙事

句之洗削

江村

清江一曲抱村流長夏江村事事幽自去自來堂上
燕相親相近水中鷗老妻畫紙為棋局稚子敲針作
釣鈎多病所須惟藥物微軀此外復何求

赤甲

吳融

大曆二年春遷居赤甲山

卜居赤甲遷居新兩見巫山楚水春炙背可以獻天
子美芹由來知野人荊州鄭薛寄書近蜀客郝岑非
我鄰笑接郎中評事飲病從深酌道吾真

簡吳郎司法

一事而句不相
屬

公時移居東屯以讓西草堂借吳居之

有客乘舸自忠州遣騎安置讓西頭古堂本買藉疎
豁借汝遷居停宴遊雲石熒熒高葉曉風江颯颯亂
帆秋却為姻婭過逢地許坐層軒數散愁

又呈吳郎

如此等詩真佛菩薩語又不必注其
二杜矣

堂前撲棗任西隣無食無兒一婦人不為困窮寧有
此祗緣恐懼轉須親即防遠客雖多事使插疎籬却
任真已訴徵求貧到骨正思戎馬淚盈巾

柏學士茅屋

柏大兄弟乃貞節猶子也

碧山學士焚銀魚白馬却走身巖居古人已用三冬
足年少今開萬卷餘晴雲滿戶團傾蓋秋水浮堦溜
決渠富貴必從勤苦得男兒須讀五車書

崔氏東山草堂

吳體

東山即藍田山又名玉山

愛汝玉山草堂靜高秋爽氣相鮮新有時自發鐘磬
響落日更見漁樵人盤剝白鴉谷口栗飯煮青泥坊
底何謂西莊王給事柴門空閉鎖松筠

單山人隱居

南極老人自有星北山移文誰勒銘徵君已去獨松

亦有有取

及此村學究後
仿
似此此對法

此兩簡法甚
媿羨解詩者
以實誤後人

芹子且以款
杜七言每從
亦是一證
末向有誤

清空一氣如法

此詩在似在大詩
防故云

木言分製
卷之五
菊哀壑無光留戶庭予見亂離不得已子知出處必
須經高車駟馬帶傾覆悵望秋天虛翠屏

題張氏隱居

李白傳少與魯中諸生張叔明等隱於徂
徠山號竹谿六逸蓋公開元二十五年遊
齊趙從李白因訪張氏

春山無伴獨相求。伐木丁丁山更幽。澗道餘寒歷水
雪。石門斜日到林丘。不貪夜識金銀氣。遠害朝看麋
鹿游。乘興杳然迷出處。對君疑是泛虛舟。

南隣

朱山人也

錦里先生烏角巾。園收芋栗未全貧。慣看賓客兒童
喜。得食階除鳥雀馴。秋水纔深四五尺。野航恰受兩
三人。白沙翠竹江村暮。相送柴門月色新。

宗族類

舍弟觀赴藍田取妻子到江陵喜寄三首

汝迎妻子達荆州。消息真傳解我憂。鴻雁影來連峽
內。鵲鳩飛急到沙頭。曉關險路今虛遠。禹鑿寒江正
穩流。朱紱卽當隨彩鷁。青春不假報黃牛。
馬度秦山雪正深。北來肌骨苦寒侵。他鄉就我生春

妙在平易
切

清心一氣
法
涉溪不能
是實
兼往與此
有之
之味

此若在如存
此素在如存

色故國移居見客心歡極提携如意舞喜多行坐白
頭吟巡簷索共梅花笑冷蕊疎枝半不禁
庾信羅含俱有宅春來秋去作誰家短墻若在從殘
草喬木如存可假花卜築應同蔣詡逕為園須似邵
平瓜比年病酒開涓滴第勸兄酬何怨嗟

釋老顛

留別公安大易沙門

隱居欲就廬山遠麗藻初逢休上人數問舟航留製
作長開篋筭擬心神沙村白雪仍含凍江縣紅梅已
放春先踏鑪峰置蘭若徐飛錫杖出風塵

嫩氣

因許八奉寄江寧旻上人

公開元十九年遊吳赴客此

不見旻公三十年封書寄與淚潺湲舊來好事今能
否老去新詩誰與傳棋局動隨幽澗竹袈裟憶上泛
湖船聞君話我為官在頭白昏昏只醉眠

涪城縣香積寺官閣

寺下春江深不流山腰官閣迥添愁含風翠壁孤雲
細背日丹楓萬木稠小院迴廊春寂寂浴鳧飛鷺晚
悠悠諸天合在藤蘿外昏黑應須到上頭

暮登西安寺鐘樓寄裴十迥

撰句

一五如面誤

涉了

暮倚高樓對雪峰。僧來不語自鳴鐘。孤城返照紅將
歛。近市浮烟翠且重。多病獨愁常闕寂。故人相見未
從容。知君苦思緣詩瘦。太向交游萬事慵。

玉臺觀

中天積翠玉臺遙。上帝高居絳節朝。遂有馮夷來擊
鼓。始知羸女善吹簫。江光隱見鼉鼉窟。石勢參差鳥
鵲橋。更有紅顏生羽翰。便應黃髮老漁樵。

按句
惟是江景
有神雋

時序類

卽事

吳體

暮春三月巫峽長。鼎鼎行雲浮日光。雷聲忽送千峰

雨。花氣渾如百和香。黃鶯過水翻迴去。燕子銜泥濕
不妨。飛閣捲簾圖畫裡。虛無只少對瀟湘。

暮春

卧病擁塞在峽中。瀟湘洞庭虛映空。楚天不斷四時
雨。巫峽長吹萬里風。沙上草閣柳新暗。城邊野池蓮
欲紅。暮春鴛鴦鷺立洲渚。挾子翻飛還一叢。

曲江二首

公為拾遺在京師時作

一片花飛減却春。風飄萬點正愁人。且看欲盡花經
眼。莫厭傷多酒入唇。江上小堂巢翡翠。苑邊高塚卧

意世二字下白
好句白多特

清六一氣九

落、醉暢如不
徑多而首尾因
派有生意自後
不可名之之也

人以為巧者以
為拙

山陰野雪
及後

此方大感三年
用玉煬又別
共而涉

未言夕費

卷之五

麒麟細推物理須行樂何用浮名絆此身

此等語以

朝回日典春衣每日江頭盡醉歸酒債尋常行處

有人生七十古來稀穿花蛺蝶深深見點水蜻蜓款

款飛傳語風光共流轉暫時相賞莫相違

曲江對酒

苑外江頭坐不歸水晶宮殿轉霏微桃花細逐楊花

落黃鳥時兼白鳥飛縱飲又拚人共棄懶朝真與世

相違吏情更覺滄洲遠老大徒悲未拂衣

曲江對雨

城上春雲覆苑牆江亭晚色靜年芳林花著雨燕脂

落水荇牽風翠帶長龍武新軍深駐輦芙蓉別殿謾

焚香何時詔此金錢會暫醉佳人錦瑟傍

多病執熱奉懷李尚書

衰年正苦病侵凌首夏何須氣鬱蒸大水淼茫炎海

接竒峰磧兀火雲升思霑道暍黃梅雨敢聞宮恩玉

井冰不是尚書期不顧山陰瘴雪興難乘

蚤秋苦熱堆案相仍

七月六日苦炎熱對食暫食還不能每愁夜中自足

本為

蠅况乃秋後轉多蠅束帶發狂欲大叫簿書何急來

相仍南望青松駕短壑安得赤脚踏層冰

土寺八頁

卷之五

七二九

秋興八首

八首極力揆句却自浮雅不為纖巧

玉露凋傷楓樹林。巫山巫峽氣蕭森。江間波浪兼天湧。塞上風雲接地陰。叢菊兩開他日淚。孤舟一繫故園心。寒衣處處催刀尺。白帝城高急暮砧。

語若

夔府孤城落日斜。每依北斗望京華。聽猿實下三聲淚。奉使虛隨八月槎。畫省香爐違伏枕。山樓粉堞隱悲笳。請看石上藤蘿月。已映洲前蘆荻花。

千家山郭靜朝暉。日日江樓坐翠微。信宿漁人還泛泛。清秋燕子故飛飛。匡衡抗疏功名薄。劉向傳經心事違。同學少年多不賤。五陵衣馬自輕肥。

聞道長安似奕棋。百年世事不勝悲。王侯第宅皆新主。文武衣冠異昔時。直北關山金鼓振。征西車馬羽書遲。魚龍寂寞秋江冷。故國平居有所思。

蓬萊宮闕對南山。承露金莖霄漢間。西望瑤池降王母。東來紫氣滿函關。雲移雉尾開宮扇。日繞龍鱗識聖顏。一卧滄江驚歲晚。幾回青瑣點朝班。

瞿唐峽口曲江頭。萬里風烟接素秋。花萼夾城通御氣。芙蓉小苑入邊愁。珠簾綉柱圍黃鵠。錦纜牙樯起白鷗。回首可憐歌舞地。秦中自古帝王州。

昆明池水漢時功。武帝旌旗在眼中。織女機絲虛夜

八詩大謬沉雅
富麗名詞無匹
盡在字外故自
不虧小家數乃
不可彷彿身
畫省香爐雅
點綴多雅厚亦
太朴

沉之無以自也

律句有以自覺
雅淨

如快星

兩句宜早思
然性故亦思

上寺入頁

卷之五

十一

邢

石分遠近時
見鳥

會
語有山吹

按句

善叙事

子美七之律
每放高此又
美考於枝之
上三首皆在

杜詩分集

卷之五

三五九

凡石鯨鱗甲動秋風波漂菰米沉雲黑露冷蓮房墜
粉紅關塞極天惟鳥道江湖滿地一漁翁
昆吾御宿自逶迤紫閣峯陰入羨陂香稻啄餘鸚鵡
粒碧梧棲老鳳凰枝佳人拾翠春相問仙侶同舟晚
更攜綵筆昔曾干氣象白頭吟望苦低垂

登高

風急天高猿嘯哀渚清沙白鳥飛迴無邊落木蕭蕭
下不盡長江滾滾來萬里悲秋常作客百年多病獨
登臺艱難苦恨繁霜鬢潦倒新停濁酒盃

秋盡

秋盡東行且未迴茅齋寄在少城隈籬邊老却陶潛
菊江上徒逢袁紹盃雪嶺獨看西日落劔門猶阻北
人來不辭萬里長為客懷抱何時得好開

十二月一日三首

吳琮

今朝臘月春意動雲安縣前江可憐一聲何處送書
鴈百丈誰家上瀨船未將梅蘂驚愁眼更取椒花媚
遠天明光起草人所羨肺病幾時朝日邊

寒輕市上山烟碧日滿樓前江霧黃負鹽出井此溪
女打鼓發船何郡郎新亭舉目風景切茂陵著書消
渴長春花不愁不爛熳楚客惟聽棹相將

好詩

土詩八頁

卷之五

八上

邢

卽看燕子入山扉。豈有黃鸝歷翠微。短短桃花臨水
岫。輕輕柳絮點人衣。春來準擬開懷久。老去親知見
面稀。他日一盃難強進。重嗟筋力故山違。

立春

大曆元年在雲安作

春日春盤細生菜。忽憶兩京梅發時。盤出高門行白
玉。菜傳纖手送青絲。巫峽寒江那對眼。杜陵遠客不
勝悲。此身未知歸定處。呼兒覓紙一題詩。

人日

正月一日曰鷄。二日曰狗。三日曰猪。四日

曰羊。五日曰牛。六日曰馬。七日曰人。八日

曰穀。

此日此時人共得一談一笑。俗相看尊前柏葉休隨
酒。勝裏金花巧耐寒。佩劍衝星聊暫拔。匣琴流水自
須彈。早春重引江湖興。直道無憂行路難。

小寒食舟中作

大曆五年公復在潭州率舟居小寒食謂
寒食前一日如小至之類

佳辰強飲食猶寒。隱几蕭條戴鶡冠。春水船如天上
坐。老年花似霧中看。娟娟戲蝶過閒幔。片片輕鷗下

推慈浩蕩

四語為具事

清心一氣

不用雕琢

水言少嘯 卷之五 三
急湍雲白山青萬餘里遙看直北是長安

九日

重陽獨酌盃中酒抱病起登江上臺竹葉於人既無
分菊花從此不須開殊方日落玄猿哭故國霜前白
鴈來弟妹蕭疎各何在干戈衰謝兩相催

九日

吳琯

去年登高鄴縣北今日重在涪江濱苦遭白髮不相
放羞見黃花無數新世亂鬱鬱又為客路難悠悠長
傍人酒闌卻憶十年事腸斷驪山清路塵

九日藍田崔氏莊

老去悲秋強自寬興來今日盡君歡羞將短髮還吹
帽笑倩傍人為整冠藍水遠從千澗落玉山高並兩
峰寒明年此會知誰健醉把茱萸仔細看

小至

冬至前一日猶除夕前一夜謂之小年夜
天時人事日相催冬至陽生春又來刺繡五紋添弱
線吹葭六琯動飛灰岼容待臘將舒柳山意衝寒欲
放梅雲物不殊鄉國異教兒且覆掌中杯

至日遣興奉寄北省舊閣老兩院故人二首

去歲茲辰捧御牀五更三點入鵷行欲知趨走傷心

清心一氣如

詩帽重法招有
我正行作為物
之說小於

撰句

清心一氣如法

地正想細縵滿眼香無路從容陪語笑有時顛倒著
 衣裳何人錯憶窮愁日愁日愁隨一線長
 憶昨逍遙供奉班去年今日侍龍顏麒麟不動爐烟
 上孔雀徐開扇影還玉几由來天北極朱衣只在殿
 中間孤城此日堪腸斷愁對寒雲白滿山

冬至

年年至日長為客忽忽窮愁泥殺人江上形容吾獨
 老天涯風俗自相親杖藜雪後臨丹壑鳴玉朝來散
 紫宸心折此時無一寸路迷何處是三秦

至後

冬至前一日為小至後一日為至後也

冬至至後日初長遠在劔南思洛陽青袍白馬有何
 意金谷銅駝非故鄉梅花欲開不自覺棣萼一別永
 相望愁極本憑詩遣興詩成吟咏轉淒涼

臘日

唐以大寒後辰日為臘公是年十月以拾

遺扈從肅宗還京

臘日常年暖尚遙今年臘日凍全消小兒移大侵凌雪色還蒼
 草漏洩春光有柳條縱酒欲謀良夜醉還家初散紫
 宸朝口脂面藥隨恩澤翠管銀罍下九霄

善叙事

清玄一氣為

善叙事

晝夢

吳體

二月饒睡昏昏然。不獨夜短晝分眠。桃花氣暖眼自醉。春渚日落夢相牽。故鄉門巷荆棘底。中原君臣豺虎邊。安得務農息戰鬪。普天無吏橫索錢。

夜

黃氏以為在夔州作是也

露下天高秋水清。空山獨夜旅魂驚。疎燈自照孤帆宿。新月猶懸雙杵鳴。南菊再逢人卧病。北書不至鴈無情。步蟾倚杖看牛斗。銀漢遙應接鳳城。

天文類

江雨有懷鄭典設

吳體

典設從六品掌太子湯沐灑埽鋪陳

春雨閭閻塞峽中。早晚來自楚王宮。亂波紛披已打。坼弱雲狼藉不禁。風寵光蕙葉與多碧。點注桃花舒。小紅谷口子真正憶汝。坼高灤滑限西東。

雨不絕

吳體

鳴雨既過漸細微。映空搖颺如絲飛。階前短草泥不亂。院裏長條風乍稀。舞石旋應將乳子。行雲莫自濕仙衣。眼前江舸何匆遽。未得安流逆浪歸。

白帝

石靈神女用石
奇壯將子說佳
更好

標句

標句

白帝城中雲若屯。白帝城下雨翻盆。高江急峽雷霆鬪。古木長藤日月昏。戎馬不如歸馬逸。千家今有百家存。哀哀寡婦誅求盡。慟哭秋原何處村。

返照

此不狂易或更

楚王宮北正黃昏。白帝城西過雨痕。返照入江翻石壁。歸雲擁樹失山村。衰年病肺惟高枕。絕塞愁時早閉門。不可久留豺虎亂。南方實有未招魂。

地理類

望嶽

西嶽峻嶒竦處尊。諸峰羅立似兒孫。安得仙人九節杖。拄到玉女洗頭盆。車箱入谷無歸路。箭括通天有一門。稍待秋風涼冷後。高尋白帝問真源。

黃草

黃草峽西船不歸。赤甲山下行人稀。秦中驛使無消息。蜀道兵戈有是非。萬里秋風吹錦水。誰家別淚濕羅衣。莫愁劍閣終難據。聞道松州已被圍。

灩澦

吳

灩澦既沒孤根深。西來水多愁太陰。江天漠漠鳥雙去。風雨時時龍一吟。舟人漁子歌回首。估客胡商淚滿襟。寄語舟航惡年少。休翻鹽井橫黃金。

多

土寺入頂

卷之五

八

樓閣類

白帝城最高樓

白帝城在夔州府公是年春自雲安遷居
 城尖徑是旌旆愁獨立縹緲之飛樓峽坼雲靈龍虎
 睡江清日抱鼉鼉遊扶桑西枝封斷石弱水東影隨
 長流杖藜嘆世者誰子泣血迸空回白頭

江陵節度使陽城郡王新樓成王請嚴侍御

判官賦七字句同作

陽城郡王卽衛尚書伯玉也初代宗幸陝
 以衛有幹略可當方面任大事乃拜荆南

節度使

樓上炎天冰雪生高飛燕雀賀新成碧窓宿霧濛濛
 濕朱棋浮雲細細輕杖鉞寒帷瞻具美投壺散帙有
 餘清自公多暇延叅佐江漢風流萬古情

又作此奉衛王

西北樓成雄楚都遠開山岳散江湖二儀清濁還高
 下三伏炎蒸定有無推轂幾年惟鎮靜曳裾終日盛
 文儒白頭受簡焉能賦愧似相如爲大夫

七月一日題終明府水樓兩首

時公爲終明府功曹明府兼攝奉節令

近人多學此
 自不佳

吳

高棟層軒已自涼。秋風此日灑衣裳。翛然欲下陰山雪。而句如不去非無漢署香。絕壁過雲開錦繡。踈松隔水奏笙簧。看君宜著王喬履。真賜還疑出尚方。

宓子彈琴邑宰日。終軍棄繻英妙時。承家節操尚不泯。為政風流今在茲。可憐賓客盡傾蓋。何處老翁來賦詩。楚江巫峽半雲雨。清簟疎簾看奕棋。

登樓

無一字不盡

善

花近高樓傷客心。萬方多難此登臨。錦江春色來天地。玉壘浮雲變古今。北極朝廷終不改。西山寇盜莫相侵。可憐後主還祠廟。日暮聊為梁父吟。

閣夜

此詩乃大曆元年在夔州作時崔旰之亂未息

換句

有句如... 許詩亦易... 此

歲暮陰陽催短景。天涯霜雪霽寒宵。五更鼓角聲悲壯。三峽星河影動搖。野哭千家聞戰伐。夷歌幾處起漁樵。卧龍躍馬終黃土。人事音書漫寂寥。

野望

善

句如北

金華城北涪水西。仲冬風日始淒淒。山連越雋蟠三蜀。水散巴渝下五谿。獨鶴不知何事舞。饑鳥似欲向人啼。射洪春酒寒仍綠。日極傷神誰為携。

清心一氣如
活

善氣善人

以事在親心也
有下句

望野

西山白雪三城戍。南浦清江萬里橋。海內風塵諸弟
隔。天涯涕淚一身遙。唯將遲暮供多病。未有涓埃答
聖朝。跨馬出郊時極目。不堪人事日蕭條。

滕王亭子

君王臺榭枕巴山。萬丈丹梯尚可攀。春日鶯啼修竹
裏。仙家犬吠白雲間。清江碧石傷心麗。嫩蕊濃花滿
目斑。人到于今歌出牧。來遊此地不知還。

題鄭縣亭子

鄭縣即長安華州公是年夏以直言被讒

出為其州司功

鄭縣亭子澗之濱。戶牖憑高發興新。雲斷岳蓮臨大
路。天晴宮柳暗長春。巢邊野雀羣欺燕。花底山蜂遠
趁人。更欲題詩滿青竹。晚來幽獨恐傷神。

果實類

題桃實

小徑升堂舊不斜。五株桃樹亦重遮。高秋總饋貧人
實。來歲還舒滿眼花。簾戶每宜通乳燕。兒童莫信打
慈鴉。寡妻羣盜非今日。四海車書正一家。

野人送朱櫻

即寄多不
不相家

無味

言而無味

接句

忘暢心平可
可舍
如此下
詐曉

西蜀櫻桃也自紅。野人相贈蒲筠籠。數回細寫愁仍
破萬顆。勻圓訝許同。憶昨賜露門下省。早時擎出大
明宮。金盤玉筋無消息。此日嘗新任轉蓬。

舟橋類

進艇

南京久客耕南畝。北望傷神卧北窓。晝引老妻乘小
艇。晴看稚子浴清江。俱飛蛺蝶元相逐。並蒂芙蓉本
自雙。茗飲蔗漿携所有。瓷罍無謝玉為缸。

城西陂泛舟

城西陂即漢陂也

青蛾皓齒在樓船。橫笛短簫悲遠天。春風自信牙樁
動。遲日徐看錦纜牽。魚吹細浪搖歌扇。燕蹴飛花落
舞筵。不有小舟能蕩漿。百壺那送酒如泉。

即事不任

陪李七司馬阜江上觀造竹橋即日成往來
之人免冬寒入水聊題短作簡李公

伐竹為橋結構同。寒裳不涉往來通。天寒白鶴歸華
表。日落青龍見水中。愧我老非題柱客。知君才是濟
川功。合觀却笑千年事。驅石何時到海東。

燕飲類

曲江陪鄭八丈南史飲

隊仗水依

曲江池在長安城東南

雀啄江頭黃柳花。鷓鴣鷓鴣滿晴沙。自知白髮非春事。且盡芳樽戀物華。近侍與今難浪迹。此身那得更無家。丈人才力猶強健。豈傍青門學種瓜。

鄭附馬潛曜宴洞中 吳融

按潜曜尚明皇臨晉公主廣文學士虔之

姪也

主家陰洞細烟霧。留客夏簾青琅玕。春酒盃濃琥珀薄。水漿盃碧瑪瑙寒。誤疑茅堂過江麓。已入風磴雲端。自是秦樓壓鄭谷。時聞雜佩聲珊珊。

如此秦樓鄭谷

音樂類

吹笛

吹笛秋山風月清。誰家巧作斷腸聲。風飄律呂相和切。月傍關山幾處明。胡騎中宵堪北走。武陵一曲想南征。故園楊柳今摧落。何得愁中却盡生。

禽虫類

見王監兵馬使說近山有白黑二鷹羅者久取竟未能得王以為毛骨有異他鷹恐臘後春生鶩飛避爰勁翮思秋之甚眇不可見請予賦詩二首

善叙事

二首運多用
詞并為惡道
性：法別有身
味

即物為心不
只詩家

清心一氣以
法

雲飛玉立盡清秋。不惜奇毛恣遠遊。在野只教心力
破。于人何事網羅求。一生自獵知無敵。百中爭能耻
下鞫。鵬礙九天須却避。兔藏三窟莫深憂。
黑鷹不省人間有。渡海疑從北極來。正翮搏風超紫
塞。玄冬幾夜宿陽臺。虞羅本覺虛施巧。春鴈同歸必
見猜。萬里寒空祗一日。金眸玉爪不凡材。

燕子來舟中作

湖南為客動經春。燕子銜泥兩度新。舊入故園嘗識
主。如今社日遠看人。可憐處處巢居室。何異飄飄託
此身。暫語船檣還起去。穿花落水益沾巾。

見螢火

巫山秋夜螢火飛。踈簾巧入坐人衣。忽驚屋裏琴書
冷。復亂簷前星宿稀。却遶井欄添箇箇。偶經花藥弄
輝輝。滄江白髮愁看汝。來歲如今歸不歸。

簡寄類

將赴成都草堂途中有作先寄嚴鄭公五首
寶應元年嚴公自成都召還公亦去成都
周游梓閬間者二年至廣德甲辰春嚴公
以黃門侍郎節度劍南公復自閬還成都
依之

善叙事

善叙事

善叙事

歷練險峻

無限之外

本詩分數

卷之五

九三

得歸茅屋赴成都。真為文翁再剖符。但使間閭還揖讓。敢論松菊久荒蕪。魚知丙穴由來美。酒憶郫筒不用酤。五馬舊曾諳小徑。幾回書札待潛夫。

處處清江帶白蘋。故園猶得見殘春。雪山斥候無兵馬。錦里逢迎有主人。休恠兒童延俗客。不教鵝鴨惱比隣。習池未覺風流盡。况復荊州賞更新。

竹寒沙碧浣花溪。橘刺藤梢咫尺迷。過客徑須愁出入。居人不自解東西。書籤藥裹封蛛網。野店山橋送馬蹄。肯藉荒亭春草色。先判一飲醉如泥。

常苦沙崩損藥欄。也從江檻落風湍。新松恨不高千尺。惡竹應須斬萬竿。生理祇憑黃閣老。衰顏欲付紫金丹。三年奔走空皮骨。信有人間行路難。

錦官城西生事微。烏皮几在還思歸。昔去為憂亂兵入。今來已恐隣人非。側身天地更懷古。回首風塵甘息機。共說總戎雲鳥陣。不妨游子芰荷衣。

奉侍嚴大夫

殊方又喜故人來。重鎮還須濟世才。常恠偏裨終日待。不知旌節隔年回。欲辭巴徼啼鶯合。遠下荆門去鷓鴣。身老時危思會面。一生懷抱向誰開。

贈獻納起居田舍人澄

上詩八頃

卷之五

九三

按唐於顯慶中中書省復置起居舍人與門下省起居郎分掌左右龍朔中改為左右史每皇帝御殿對立於殿有命則臨陛俯聽退而書之以為起居注又按唐中書令掌侍從獻替制勅冊命敷奏文表監起居注則起居舍人隸中書正司獻納者也獻納司存雨露邊地分清切任才賢舍人退食收封事宮女開函近御筵曉漏追趨青瑣闥晴窓點檢白雲篇揚雄更有河東賦唯待吹噓送上天

奉寄高常侍

即高適時為刑部侍郎左散騎常侍

汶上相逢年頗多。飛騰無那故人何。總戎楚蜀應全未。方駕曹劉不啻過。今日朝廷須汲黯。中原將帥憶廉頗。天涯春色催遲暮。別淚遙添錦水波。

奉寄章十侍御

即章彝也時章初罷梓州刺史東川留後將赴朝廷

淮海維揚一俊人。金章紫綬照青春。指揮能事回天地。訓練強兵動鬼神。湘西不得歸關羽。河內猶宜借寇恂。朝覲從容問幽側。勿云江漢有垂綸。

邦是安熙

白雲篇不必以
失著晴窓字

更別

善事

將赴荆南寄別李劍州

公是年春在閬欲南下遊荆楚因嚴武復
尹成都遂不果行

使君高義驅千古。霖落三年坐劍州。但有文翁能化
蠻。焉知李廣未封侯。路經滟滪雙蓬鬢。天入滄浪一
釣舟。戎馬相逢更何日。春風回首仲宣樓。

奉寄別馬巴州

勲業終歸馬伏波。功曹非復漢蕭何。扁舟繫纜沙邊
久。南國浮雲水上多。獨把漁竿終遠去。難隨鳥翼一
相過。知君未愛春湖色。興在驪駒白玉珂。

贈常七贊善

唐東宮官有左右贊善司。傳令諷過失。贊
禮儀。常贊善必常見素之後。見素位至宰
相與公皆長安人

鄉里衣冠不乏賢。杜陵常曲未央前。爾家最近魁三
象。時論同歸尺五天。北走關山開雨雪。南遊花柳塞
雲烟。洞庭春色悲公子。鰕菜忘歸范蠡船。

崔評事弟許相迎不到。應慮老夫見泥雨。怯
出必慙佳期走筆戲簡

崔評事公之表弟

公自注斗魁下
兩相比為三公
俚語曰城南韦杜
去天尺五

謂不結語別云
必為我求也去
海堂以在巴

江閣邀賓許馬迎。午時起坐自天明。浮雲不負青春色。細雨何孤白帝城。身過花間沾濕好。醉於馬上往來輕。虛疑皓首衝泥怯。實少銀鞍傍險行。

贈田九判官梁丘

按天寶十二載秋哥舒翰以龍右節度使擊吐蕃拔洪濟大漠門等城悉收河北九曲部落蓋是時翰遣田梁丘奏捷

崆峒使節上青霄。河隴降王款聖朝。宛馬總肥春首。宿將軍只數漢嫖姚。陳畱阮瑀誰爭長。京兆田郎早見招。麾下賴君才並入。獨能無意向漁樵。

寄常徵君

常徵君去年秋曾訪公雲安今在開州而公寄以詩

白水青山空復春。徵君晚節旁風塵。楚妃堂上色殊衆。海鶴塔前鳴向人。萬事糾紛猶絕粒。一官羈絆實藏身。開州入夏知涼冷。不似雲安毒熱新。

寄杜位

按位公之姪嘗為考功郎中以朔州刺史貶新州時移近郡觀公送柏別駕赴江陵詩題則位以行軍司馬在江陵矣

其和事

長字正吟九

其出不類

其微徵君弟

二句已見五

其鳴向人甚矣

如此學杜原
墮惡道

法如高家客

如紅事

美之私事

近聞寬法離新州。想見歸懷尚百憂。逐客雖皆萬里去。悲君已是十年流。干戈况復塵隨眼。鬢髮應還雪滿頭。玉壘題書心緒亂。何時更得曲江遊。

所思

苦憶荊州醉司馬。謫官尊酒定常開。九江日落醒何處。一柱觀頭眠幾回。可憐懷抱向人盡。欲問平安無使來。故憑錦水將雙淚。好過瞿唐滌灑堆。

此是詩

奉釀嚴公寄題野亭之作

拾遺曾奏數行書。懶性從來水竹居。奉引濫騎沙苑馬。幽棲真釣錦江魚。謝安不倦登臨費。阮籍焉知禮

法疎。枉沐旌旄出城府。草萊蕪徑欲教鋤。

酬郭十五判官受

大曆四年正月八日。又自岳陽之潭州。未幾入衡州。郭在潭。公示以詩。因作詩寄上。而

公復酬之

才微歲晚尚虛名。卧病江湖春復生。藥裏關心詩總廢。花枝照眼句還成。只同燕石能星隕。自得隋珠覺夜明。喬口橘洲風浪促。繫帆何惜片時程。

和裴迪登蜀州東亭送客逢早梅相憶見寄

東閣官梅動詩興。還如何遜在揚州。此時對雪遙相

土詩八頁

卷之五

九

此乃抄本

壬元美過愛
此二聯亦在過

清安一氣九
活
此應在子瑞
活

清安一氣九活

善知事

補不平者按
此

憶送客逢春可自由。幸不折來傷歲暮。若為看去亂
鄉愁。江邊一樹垂垂發。朝夕催人自白頭。
亦宛宴院

尋訪類

賓至

幽棲地僻經過少。老病人扶再拜難。豈有文章驚海
內。謾勞車馬駐江干。竟日淹留佳客坐。百年龔糲腐
儒食。不嫌野外無供給。乘興還來看藥欄。

客至

公自註喜崔明府相過按公生母崔氏明
府其舅氏也上元二年作

舍南舍北皆春水。但見羣鷗日日來。花徑不曾緣客
掃。蓬門今始為君開。盤飧市遠無兼味。尊酒家貧只
舊醅。肯與鄰翁相對飲。隔籬呼取盡餘盃。

嚴中丞枉駕見過

公自註嚴自東川除西川勅令兩川都節

制

元戎小隊出郊坰。問柳尋花到野亭。川合東西瞻使
節。地分南北任浮萍。扁舟不獨如張翰。皂帽應兼似
管寧。寂寞江天雲霧裏。何人道有少微星。

嚴公仲夏枉駕草堂兼攜酒饌得寒字

善叙事、
清健朴野

為事多味
愛

善叙事

此以憔悴為道
出於子美亦必不
為名之

竹裏行厨洗玉盤。花邊立馬簇金鞍。非關使者徵求急。自識將軍禮數寬。百年地僻柴門迥。五月江深草閣寒。看弄漁舟糴白日。老農何有罄交歡。

王十七侍御掄許攜酒至草堂奉寄此詩便請邀高三十五使君同到

老夫卧穩朝慵起。白屋寒多暖始開。江鶴巧當幽徑浴。隣雞還過短牆來。繡衣屢許攜家醞。皂蓋能忘折野梅。戲假霜威促山簡。須成一醉習池回。

予和威假山簡詩
不作亦自似之

杜員外兄垂示詩因作此寄上

郭受判官詩

新詩海內流傳久。舊德朝中屬望勞。郡邑地卑饒霧雨。江湖天濶足風濤。松醪酒熟旁看醉。蓮葉舟輕自學操。春興不知凡幾首。衡陽紙價頓能高。

送別類

季夏送鄉弟韶陪黃門從叔朝謁

韶故鄉同姓非親族也黃門杜鴻漸也

令弟尚為滄水使。名家莫出杜陵人。比來相國兼安

蜀。歸赴朝廷已入秦。捨舟策馬論兵地。拖玉腰金報

主身。莫度清秋吟蟋蟀。早聞黃閣仰麒麟。

章梓州橘亭餞成都寶少尹得涼字

秋日野亭千橘香。玉盃錦席高雲涼。主人送客何所
作。行酒賦詩時未央。衰老應為難離別。賢聲此去有
輝光。預傳籍籍新京兆。青史無勞數趙張。

奉送蜀州柏二別駕將中丞命赴江陵起居
衛尚書太夫人因示從弟行軍司馬位

柏二名未詳中丞柏二之兄柏貞節也衛
尚書名伯玉因示從弟公從弟時在江陵
故因此詩以示之也行軍司馬官名位杜
位也時柏貞節新陞夔歸五州防禦使隸
江陵節度使衛伯玉時為江陵節度使尋

加檢校工部尚書中丞乃其屬官

中丞問俗畫熊頻。愛弟傳書彩鷁新。遷轉五州防禦
使。起居八座太夫人。楚宮臘送荆門水。白帝雲偷碧
海春。與報惠連詩不惜。知吾斑鬢總如銀。

送路六侍御入朝

童稚情親四十年。中間消息兩茫然。更為後會知何
地。忽漫相逢是別筵。不分桃花紅勝錦。生憎柳絮白
於綿。劍南春色還無賴。觸忤愁人到酒邊。

又送辛員外

在惠義寺園作先了絕句

清氣一氣九

雙峰寂寂對春臺。萬竹青青見名盃。細草留連侵坐軟。殘花悵望近人開。同舟昨日何由得。並馬今朝未擬回。直到綿州始分手。江頭樹裏共誰來。

送李八秘書赴杜相公幕

那台速之

青簾白舫益州來。巫峽秋濤天地迴。石出倒聽楓葉下。櫓搖背指菊花開。貪趨相府今晨發。恐失佳期後命催。南極一星朝北斗。五雲多處是三台。南極朝北斗不必可解

送王十五判官扶侍還黔中

大家東征逐子回。風生洲渚錦帆開。青青竹笋迎船出。白白江魚入饌來。離別不堪無限意。艱危須仗濟

時才黔陽信使應稀少。莫恠頻頻勸酒盃。

送鄭十八虔貶台州司戶參軍傷其臨老陷賊之故闕為面別情見于詩

吳鉉

鄭虔好書善圖山水。玄宗稱為三絕。虔以祿山反陷賊中。偽授虔水部郎中。因稱風疾求攝市令。潛以密章達靈武。賊平與王維等並囚宣陽里。以善畫崔圓使繪齋壁。虔即祈解于圓。卒免死。貶台州司戶參軍。鄭公樗散鬢如絲。酒後常稱老畫師。萬里傷心嚴譴下。五年垂死中。興時倉皇已心途往。邂逅無端出

善叙事
石出二句皆目擊
自危而極易天出
極舟以之妙

空起也若若少
弗能云

如語

杜詩八頂

邢

才言分數
復道便與先生應永訣九重
盡交期

公安送帝二少府匡贊

逍遙公後世多賢送爾維舟惜此筵念我能書數字
至將詩不必萬人傳時危兵甲黃塵裏日短江湖白
髮前古往今來皆涕淚斷腸分手各風煙

送韓十四江東省親

兵戈不見老萊衣嘆息人間萬事非我已無家事弟
妹君今何處訪庭闈黃牛峽靜灘聲轉白馬江寒樹
影稀此別應須各努力故鄉猶恐未同歸

長沙送李十一銜

長沙即潭州公是夏入衡州秋復次潭將
北歸未幾即世

與子避地西康州洞庭相逢十二秋遠愧尚方曾賜
履境非吾土倦登樓久存膠漆應難並一辱泥途遂
晚收李杜齊名真忝竊朔雲寒菊倍離愁

宇文晁尚書之甥崔或司業之孫尚書之子
重泛鄭監前湖

鄭秘監名審有湖亭在峽州公春晚至江
陵過之陪李尚書之芳泛舟其間今又與
李尚書之甥宇文或司業之孫

各給多

清心一氣

此極怨

知乃也

說書

自引李杜

杜詩分

之子名或量泛合身自書之子退十

見或為世家子也

郊扉俗遠長幽寂野水春來更接連錦席淹留還出浦葛巾欹側未迴船尊當霞綺輕初散棹拂荷珠碎却圓不但習池歸酪酏君看鄭谷去黃緣

示獠奴阿段

山木蒼蒼落日曛竹竿裊裊細泉分郡人入夜爭餘瀝稚子尋源獨不聞病渴三更回白首傳聲一注濕青雲曾驚陶侃胡奴異惟爾常穿虎豹群

杜詩分類卷之五終

杜詩分類跋

古今人才情類乎似矣不然才常止于不相及情常失於不相遠其衆同而獨分也外合而內離也過索者艱強赴者顛蹶也何也清之所至才為

才之所極情為感廢情君
之情主之才後之不相及者古今
十九不相遠者古今二三吾於
杜氏而知其才情之卓越又於諸
家之所註釋而知相遠不相及也
故以手指月不在手以足登山

山不在足慧性靈心對面千里第
欲以我之臆識直附於古之人此
如是彼如是豈特心神榮慘時
物改移不能窺作者之意象且
汶汶者又將假而解脫焉其不為
捫燭而尋日者長希使乙乙

夫寧毋打么窺之僉不裂
章哉汝南傳公君雨直指畿南
昇爨重梓杜詩去註釋而從其
類意固深矣諺云僧閉口佛縮
手蓋默於不知也

雍丘周光燮謹跋




矣寧毋訝公家之命正矣

章其汝南傳公君雨直村畿南

昇燮重梓社詩去註釋而從其

類意固深矣諺云僧聞口佛縮

手蓋於俗不知也



江州志卷之六



